周

易

集

義

通論 下者即今經文此篇乃孔子所述繫辭之傳也以其 √約言而賅其義周易之彖解所由折衷往聖而不之統宗而錯綜以成六十四卦與萬變之必形者可 王氏日文王求諸天人性命之原以乾坤並建爲 傳 義卷七十 經之 解本謂文王 大體凡例故无經可附而自分上下云 一周公所作之辭繋於卦爻之 吳與劉承斡校 溧陽强汝諤築

喻而辭以達之相爲屬系而不相離故无數外之象 **彖與象皆繫乎卦而以相引伸故曰繫辭繫云者數** 達其原夫子慮學易者逐於占象而昧於其所以 其解費其旨隱藏之於用顯之以仁通吉凶得失於 道也皆物變也即皆聖學也皆禍福也即皆善惡也 乙理故爲之傳以發明之卽占也卽學也卽以知命 可易也周公因卦中六位陰陽之動幾而爲之象辭 生畫畫積而象成象成而德著德著而義起義可 象外之解解者即理數之藏也皆人事也即皆天 貫而帝王經世君子窮理以盡性之道率以

天尊地卑乾坤定矣卑高以陳貴賤位矣動靜有常 **放形變化見矣** 来斷矣方以類聚物以羣分吉凶生矣在天成象在地 傳不河三聖之精藴非繫傳二篇不足以章著此乃 儒談易之弊大抵論爻則不恤彖論彖爻則不恤繫 **豈可顯背至敎哉** 所自立而貞乎死生休咎之大常意深切矣又日後 而不憂即以立命而不貳其所以喻斯人於人道之 此明周易竝建乾坤以統六子而爲五十六卦之父 孔子昭示萬世學易占易之至仁大義昭回於天者 //周易集義卷七上 一求恕本

陽各有其方爻之剛柔各有其物亦頻聚羣分以生 是推之卦之六爻卑高有序而貴賤之位殊矣動者 之風氣各以頻聚萬物之性情各以羣分而卦之陰 陽之常靜者陰之常而卦爻剛柔之性可斷矣四方 令於地者則雷風日月**成**乎象惟坤行地而地有以 順逆好惡而吉凶者矣惟乾統天而天有以行其命 道順承卑而不違故並建乾坤而尊卑之體定矣 之盛德大業要不外乎此也天道健行尊而无尚地 母在天之化在人之理皆所由生道无以易而君 功能於天者則水火山澤成乎形陰陽往來交錯

是故剛柔相摩耳 地成形變化之始也 所在也自兩以往有不可勝計者矣故在天成象在 也象者形之精華發於上者也形者象之體質留於 由是觀之世之所謂變化者未嘗不出於一而兩於 氣也或爲象或爲形所在之不同故在云者明其 **豈聖人之故爲損益哉蘇氏日天地一物也陰陽** 下者也人見其上下直以為兩矣豈知未嘗不一 利時乘之用陽之變陰之化皆自然必有之功效 //周易集義卷七上 、卦相邊鼓之以雷霆潤之以風雨日 二水恕蠢

乾道成男坤道成女乾知大始坤作成物 此承上 生六子八卦重為六十四零伍錯綜亦變化无窮也 乾坤乾之陽其道成男坤之陰其道成女葢凡物之 爲陰陰陽來往寒暑環生此摩邊可見之迹而乾 **成其質始未有形知之而已成乃有迹故日作也** 雷霆而有氣者作潤以風雨而有形者生日爲陽 轉推盪天地一 屬乎陰陽者莫不皆然知猶主也始謂始其氣成謂 |文因乾坤而推極於變化此又因變化而溯源於 |而||言變化之形象也摩者||兩相摩戛盪者 剛柔而已相摩相盪而生萬物鼓以

乾以易知坤以簡能 化 矣又曰以下推原於乾坤健順之德明其所以起萬 繁也乾之性健其知惟主善而无私故易坤之 者皆坤之為也知大始而作成物則全易皆在其中 於乾坤並建而得崇德廣業之樞要此章之次序也 善始不勞而善成也王氏日在天地則不勞而造物 此贊乾坤之功雖至溥而无濟而其德實至要而 其能在從陽而不自作故簡天地之道所以不爲 氏曰六十四卦之象其德有知者皆乾之爲也有作 而統全易之理乃終以希聖希天之學示學易者

八之所爲如乾之易則其心明白 可久有功則可大可久則賢人之德 易則易知簡則易從易知則有親易從則有功有親 業開成於事者乾坤之德人生而性皆具而惟賢 **簡則其事要約而人易從易知則與之同心者多故** 息故可久有功則積累日富故可大德謂得於己 有親易從則與之協力者眾故有功有親則貞 此 能全體之故時皆其時位皆其位行乎險阻而德 之功化无以 乾坤一 一卦雖未備六十一 則知行皆 一卦之變而巳裕其理也 2.德可大 一一人易知如坤之 質而道尤多岐 人則賢人之

易簡而天下之理得矣天下之理得而成位乎其中矣 易簡只是因此理而立心處事爾固非於此理之外 所謂天下之公理也得天下之公理以成久大之德 成位謂成人之位其中謂天下之中天之昕以爲天 有所加亦非於此理之內有所滅也但以其无險阻 其所无事也如智者亦行其所无事則智亦大矣此 而謂之易无煩擾而謂之簡孟子曰禹之行水也行 易簡之說也 以易簡應繁難而不憂道之或詘也林氏日 //周易集義卷七上 為地人之所以為人一易簡之理焉盡之 五求恕齊

聖人設計觀象緊解馬而明吉凶剛柔相推而生變化 静尤侈爲圅蓋乾坤之妙悟正與知大始作成物之 易以文其謬陋惰於敏求而樂於自用偶有一 理背馳善學易者於健順求至其極則自易自簡愼 易簡而苟且之儒與佛老之徒亦曰易簡因依託於 業則與天地參而爲三矣王氏日聖人之論易也日 象者物之似也聖人旣取象以設卦又因卦以觀象 勿輕言易簡也 之易 義序 章易之理立天德王道之極以明文王定章此章言周易首建乾坤之旨該盡乎全 一隙之

是故吉凶者失得之象也悔吝者憂虞之象也 君子因動而占所宜玩然聖人序卦兩兩錯綜相比 吉凶悔吝以卦辭言失得憂虞以人事言得理則吉 辭也亦參觀動中消息非截然分兩事也 故以吉凶明告之推移也卦爻陰陽相推移陰或變 其觀象繫辭本因其推移變化以明吉凶君子之玩 自設為君子平居所宜玩下一句明變之所自生 吝雖繋於解而其原實起於變上二一句明象與解所 陽陽或化陰而吉凶悔吝之源正起於此蓋吉凶悔 而繫卦爻之辭蓋憂患後世懼觀者之不足以知此 // 周易集義卷七上

變化者進退之象也剛柔者晝夜之象也六爻之動三 極之道也 變化剛柔以卦畫言進退畫夜以造化言六爻之動 明吉凶意 趨吉吝而怙終則自吉而向凶凡吉凶之道无不自 剛化而趨於柔者進極而退也剛爲畫柔爲夜卽可 已求之者示人自反勿徼幸勿怨尤也此申觀象以 失理則凶憂虞雖未至於凶然巳足以致悔而取羞 一句推言變化之故柔變而趨於剛者退極而進也

也 是故君子所居而安者易之序也所樂而玩者爻之辭 之所占則道著焉當其時處其地擇其進退天之災 於是昭矣此申剛柔相推而生變化意 體大用也然而不能皆見於用故一時之所值一 必重氣之陰陽形之剛柔性之仁義交至而成乎全 有天地人之道初二地位三四人位五上天位每位 驗進退之機變化剛柔流行於 **祥地之險易人事之順逆因而決焉三極得失之** 居以位言安謂知位之不可過而无越思也序謂卦 //周易集義卷七上 卦六爻之閒而兼

是故君子居則觀其象而玩其辭動則觀其變而玩其 占是以自天祐之吉无不利 損而與易爲一 序消息盈虛有其時居之而安則大行不加窮居不 爻之初終所著事理當然之次第樂以心言玩謂繹 而玩之則默而成之不言而信而與爻爲一矣 觀象玩辭學易也觀變玩占用易也平居无事觀卦 應事觀卦爻之變而玩其占則可以決吉凶悔客之 爻之象而玩其解則可以察吉凶悔各之故及動而 而不厭也玩味无窮所以可樂王氏曰所謂易之 矣所謂爻之辭是非當否有所命

彖者言乎象者也爻者言乎變者也 可必乎 易有實理而无實事故謂之象卦立而象形矣易有 **彖謂卦辭爻謂爻辭象指全體而言變指一節而言** 定理而无定用故謂之變爻立而變著矣 至於居旣盡乎天之理動必合乎天之道其逢吉不 而巳凶悔吝三焉非平時精其義用時安得罄其宜 時之閒八在大化中吉凶悔吝亦无一息之停吉 幾故有不動動无不吉也夫天地閒剛柔變化无 右第二章川后不可不學而動不可不占也 ■周易集義卷七上 八求恕舊

吉凶者言乎其失得也悔吝者言乎其小疵也无咎者 善補過也 善之謂過覺其小不善非不欲改而已无及於是乎 有悔不覺其小不善猶及於改而不能改或不肯改 盡善之謂失小不善之謂疵不明乎善而誤入乎不 斯全身有過補之斯復補不善而復於,善何咎之有 此卦爻辭之通例楊氏曰言動之閒盡善之謂得不 於是乎有吝吾身之過猶吾衣之破也衣有破補之 有可順之命故研幾精義謹小愼微改過遷善君子 王氏日禍福无不自己求之者雖或所處不幸而固

平辭 是故列貴賤者存乎位齊小大者存乎卦辨吉凶者存 憂悔吝者存乎介震无咎者存乎悔 自修之實功俱於彖爻著之周易之與後世技術占 此言易之定體也列分也位六爻之位如居中及在 相遇以成象因而繁之解而吉凶之故可明辨矣 卦多陽酌劑大小之宜視乎全卦之體也卦爻兩設 所當然者也齊與劑通小謂陰大謂陽陽卦多陰陰 上者爲貴在下而不中者爲賤居其位則有職分之 卜之書貞邪義利之分天地懸隔於此辨矣 /周易集義卷七上 九求恕書

端善惡已動而未形之時也於此憂之則不至於悔 各矣震者動心戒懼之謂當震懼而可以无咎者動 至切非但詔以吉凶而已介如界限之界謂辨別之 其悔心則思補過所謂懼以終始其要无咎也介在 矣聖八示人深切著明如此學者可不於此用力乎 自不至有凶若又於悔吝之介憂之 事前悔在事後蓋人懼而知悔則以善補過而无 所謂

規者動之

微吉凶之

先見者

也 言易之存乎解者所以警惕夫人)則戒謹於細)併悔吝亦皆

勿與天地準故能彌綸天地之道 大其他一 行也務其大則可以致遠謹其小則可以明微知其備而易皆詔之指示也之往也使因其所示而善其 至矣 其小居其易必濟其險奉天道以盡人能皆不可 易而安於常知其險而不憂其變易之爲君子謀者 純則辭易卦雜則辭險蓋人事之不齊務其大必 氏日小大因象而異其繁於世道之盛衰洽亂 石第二章而示人以改過遷善之方也 || / 周易集義卷七上 事一物之得失如噬嗑歸妹之類則小卦 十求恕亷

謂一陰 終故知死生之說精氣爲物游魂爲變是故知鬼神 理分明析 以觀於天文俯以察於地理是故知幽明之故原始 皆具於此體物而不可遺也神妙而不可測也此一 終則爲生死見於物變則爲鬼神化育運行之大用 聖人作易準擬天地易之象數天地之法象也彌 縫包括周密合萬為 章之大旨以下皆申明此意 陽也是道也其在天地則爲幽明寓於始 爲萬而燦然有倫天地之道即下文所 而渾然无闕綸者綵綸條

理準之 所以生則要其終而知其所以死矣精者陰之 顯藏也原者推之於前反者要之於後卦爻始於下 對待用之迭運可以知幽明之爲 而終於上來往相推一生死之機也推其始而知其 皆陰陽之變天地之道也易以入卦錯綜而成文 而吉凶之所自出也易之或九或六結而成乎卦 聖人以易之書也易者陰陽而已幽明死生鬼)聚陰陽凝聚則爲物游魂指精氣之雕散 天垂象而有文地成形而有理觀察其體之 /周易集義卷七上 離散則浮游无定而爲變此鬼神屈伸之 物而但以時)凝氣

旁行而不流樂天知命故不憂安土敦乎仁故能愛 與天地相 之情狀 之之道則與天地之因物付物而使之各得其所者 **遠也過差忒也易於萬物**之 易與天地準故相似天地之所以宰萬物者理而已 游盪鬼之屈而爲變也一 **體神之伸而爲物也奇耦成而反踏七** 差式也旁行即唯變所適意不流即出入以度意 準乎時位當然之理以著其得失天地弗能 似故不違知周乎萬物而道 然可見矣)理无不周而因示以 散變化无窮而鬼神 濟天下故不過 術聽再營之

範圍天地之化而不過曲成萬物而不遺通乎晝夜之 易於位之貴賤險易皆因時以奠居以示无土不可 以合天之道也 此知者學於易以合天之道也安土猶言安其位也 不可必易於錯綜變化之中隨其時位之所值各有 之理而言命者指天赋於人之分而言理有常而命 可樂之天理可知之天命无人而不自得何憂之有 心所以能敦乎仁而愛之理自充也此仁者學於易 變動不居而自往來有紀也天者指人稟於天 一則循理而无私欲之害自忠恕而存立達之 周易集義卷七上 **土 求恕** 齊

道 而知故神无方而易无體 求之 器者也神則陰陽不測易則惟變所適豈可以方體 皆與天地之道相彌綸也其所以然者則以天地之 也 乃幽明死生之見端通乎此自可知其所以然也 此總挈上|兩節|而言與天地相似範圍其化而不過 神无方而易之无體者一準之也方體者皆係於形 **象數測日然之迹也後之言易者往往促乎象數立** 體以限易而域於其方雖或可測一隅之理而求 知周道濟盡知仁之用成物而不遺也晝夜之 乎故周易者隼天地之神以禦象數而不但以

陰 合之於易見易為盡性之學蓋聖人作易以詔吉凶 自合見易爲至命之書此章推人所受於天之性而 而生由是而成也王氏日前章由易而推天道之所 而上者一陰一陽天地之道也參伍錯綜萬物由是 而利民用者皆佑 右第四章所以聖人用之窮理盡性以至於命 非八道之遠人吉凶聽其自然也修之者吉修其 陽之謂道 神難矣哉 人性分之所固有以獎成其德業

繼之者善也成之者性也 之全體大用也乃溯善與性所從出統宗於道者固 其在人也則自此而善自此而性矣夫一陰一陽易 資生之本也故謂之道統天人攝萬物皆受成於此 性之良能也悖之者凶悖其性之定理也所性全體 繼者接續不息之意成者凝成有主之意善者性之 即此理是則人物之有道易之有象數同原而不容 歧視明矣 之外无有吉凶於此占即於此學也一陰一陽資始 原性者善之實蓋天理流行之至善人資以爲始而

仁者見之謂之仁知者見之謂之知百姓日用而不知 乎性中即性以推求之易之蘊豈待他求象數哉周 道艦之者善也成之者性也大哉易也性命之源乎 言也道外无性而性乃道之所圅是一 性命誠斯立焉純粹至善者也故曰一陰一陽之 以次而漸凝於人而成乎人之性則全易之理不離 子曰大哉乾元萬物資始誠之源也乾道變化各正 見天人承接之意道統天地人物善性則專就人而 人既受之以生則謂之性亦无不善可知謂之繼者 ||周易集義卷七上 陽一陰之妙 占求恕強

옞 隨所見而目為全體也日用不知則莫不飲食鮮能 鮮克知也 則謂之性也在眾人則不能識隨其所之故仁者謂 動靜相因而成變化順繼此道則為善也成之在人 知味者又其每下者也然亦莫不有是道焉君子成 之仁知者謂之知百姓由之而不知故君子之道人 德之名能體易而得其道之全者也程于日道者 此處仁知指其性之所近而言各得是道之一 陽也動靜无端陰陽无始非知道者就能識之 「臧諸用鼓萬物而不與聖人问憂盛德大業 一隅故

矣哉

微 必 內也用謂機緘之妙業之本 顯 此 微 神也天 自內 奉蔵 藏 顯其幾於發育之閒用行於外 言 而著 Mi 閒為德業 陰 而外位仁 地 不可見變化錯綜 辽此 陽之道爲易之全 全 道鼓萬物造化出於自然而成 所自立以見盡性者之不 謂造化之 陽 配合參伍之妙即所謂 於形聲 他仁 功德之發也藏自 體 本 | 函於 大 兩限之 顯 用 內本藏 也而所以 而 體)地顯 可離 外 也 悠 測 而 ൬

之德業

如聖人之

於民有所憂而治之

求

/周多集義卷七

生生之謂易 富有之謂六業口新之謂盛德 運行之迹生育之功顯諸仁也神妙无方變化无 朱子曰陰生陽陽生陰其變无窮王氏曰易由大行 无時不然而 七一息之閒斷藏而愈有則顯而愈新 胡氏曰:自有百无物不有而无一毫之虧欠日新者 也天地元心,以成化聖人有心而无為 藏諸用也云地不與聖人同憂天地不宰聖人有心 之也此所謂易簡之善極其至者故贅熟之程子 乙數而生爻由爻而生卦由卦而生變占由變占而

成象之謂乾效法之謂坤 極數知來之謂占通變之謂事 通鼓舞於无窮也 也 生天下之亹亹有源故不窮乘時故不悖皆即此道 易數也推極之可以知來占之義也通數之變亦易 谷氏日生生謂易論其理也有理即有數陰陽消息 陽象法之原自此生生不巳莫非一唉一 乾主氣故曰成象坤主形故曰效法舉乾坤以著陰 變也變不與時偕極通之即成天下之事徐氏曰 局易集義卷七上 一陽之道變 大求恕

陰陽不測之謂神 當然而言曰道以其道之不測而言曰神非道外有 生之象是之謂乾效此 **張子曰一故神又曰兩在故不測來氏日** 坤極一陰 陰 言彌綸天地之道此則直指一陰一陽之謂道 則未嘗倚乎陰陽也 神也朱子曰道之體用不外乎陰陽而其所以然者 陽生生之變是之謂事 陽无時而不生生是之謂易成此 陽生生之數而知來是之謂占通 程氏日此章承上章說來 一陰一陽生生之法是之 陰 以其理グ 陽

以言乎天地之 不禦者无遠不到而莫之 方无體 神 擾而自順 陰陽而陰陽之 周易集義卷七 此則直指陰陽生生之謂易陰陽不測之 ~閒則備矣 二言乎遠則不禦以言乎邏 乎正也備者无所不有也蓋易道 關豈如精易 理則 於得此微而學謂之發體 乎易深天易 也靜而正者无安排布 遠邇高卑无 統人易即

天乾其靜也專其動也直是以大生焉夫坤其靜也翕 **具動也闢是以廣生焉** 最盡程子日不專一則不能直遂不翕聚則不能發 曲形容易字最盡靜翕動闢是毫无作爲形容閒· 此推言廣大之由惟乾坤統之靜專動直是毫无私 氣常行乎地之中也 朱子曰乾坤各有動靜於其四德見之 彌綸範圍也 静別而動交也乾一 /量言而日廣蓋天之形雖包乎地之外 而實故以質言而曰大坤 一靜體

禮卑崇效天卑法地 日易其至矣乎夫 此 惟有此至德以敦其化故廣大之生變通之道陰陽 大配天地變通配四時陰陽之義配日月易簡之善 配者相似也至德猶中庸言大德天地敦化之本也 |義皆川流而不息易之首建乾坤以備天道者如 周易集義卷七上 乾坤此章之后與第一著象而立教而其為 宗德而廣業也知宗

獨超於萬物之表故曰崇效天地包細微不遺一 地 王氏曰崇德者日進於高明廣業者立焉而固行焉 矩矱成於外者天運於萬物之上而聖心之知 聖人之禮亦不忽於纖悉細微之際故日卑法 而業廣張氏日 **所加也窮理則知崇如天而德崇循** 天地天地者乾坤之法象崇卑之至者也无私 十異皆夫子所作 理而不足以行遠此聖學之極致而所 1知即德之虛明炯於中者 為德 應自著子日 而不宏不廣則業 地 物

天地設位而易行乎其中矣成性存存道義之門 其中非但其位然也天道崇而健德行焉地道卑而 順德行焉一 王氏曰崇卑之位設而卦象爻辭所有之德業行乎 不敢踰越下學上達之詣備著於斯矣 陰 欲之累而達於化謹小慎微循乎天理之秩序而 知禮以敦行固其性之本有也存存存其所存 八者因而存之則道義皆由此出矣知以 /周易集義卷七上 陽健順知能之道成乎人而爲性則知以 陰 陽之道主持之精理存矣成性

過者也於此推極其實而要歸之於知禮以使學者 之所以 害而 裁 利 以見天下之賾而擬 第七章聖人以是宗德而廣業豈但以 **周克由聖者无他知見不出近小之域而不** 八致知復禮之極功夫于所謂卒學而无大 自逸耳聖人效天法地惟健順而已矣故 一達聖功成矣夫 7占古达 2

錢氏日事勢盤錯之會人見為有礙者聖人恕之 朱子日會謂理之所聚而不可遣處通謂理之可行 人有以見天下之動而觀其會通以行其典禮緊辭 以此理繫之於易以斷其吉凶乃所以效天下之動 而无所礙處如庖丁解牛會則其族而通則其虛也 不獨肖其形兼欲盡其理 有其通非權宜之行而典禮之行濫確乎不可易也 心斷其吉凶是故謂之爻 也象卦之象擬之在心象之在畫物而日宜 / 周易集義卷七上 上求恕索

言天下之至賾而不可惡也言天下之至動而不可亂 擬之而後言議之而後動擬議以成其變化 111 亂 静皆循於道由是神而明之而變化在我矣此下 播氏日有至一 取法也擬是而言則言有物矣議是而動則動惟厥 時矣夫變化者易之道也旣擬議以言動則語默動 言聖人作易垂訓之正大而此言占者學者之宜 爻辭而推廣於修己治人之道皆擬議之精變化 一者存故不可惡有至常者存故不可 弓

鳴鶴在陰其子和之我有好爵吾與爾靡之子曰君子 室出其言不善則千里之外違之況其邇者乎言出乎 居其室出其言善則千里之外應之況其邇者乎居其 7加乎民行發乎邇見乎遠言行君子之樞機樞機之 有志於易者必於是深省而切究焉其庶幾乎 觀其通俾學者知易之切於言動者隨事有可擬議 易之方而此下七條與後之十二 子憂之旣於大象文言傳引高深於切近)妙也夫易道高深人或憚其精奧而不解研尋 /周易集莪卷七上 一也言行君子之所以動天地也可不慎乎 一條更引伸觸長 示人以學 主求恕齋

語二人同心其利斷金同心之言其臭如蘭 同 人先號咷而後笑子曰君子之道或出或處或默或 議以動愼其微也 閒也蘭之芳香人所樂臭如蘭言其氣味之一物 悔吝者存乎纖介定失得者慎於樞機是以君子擬 言猶然況其大者乎千里或應況其邇者乎故夫憂 一同故物不得而終閒焉利銳利謂所嚮无阻也金 難斷銳利可以斷金言其心志之精專物不得 處語默之不同物或閒之而其迹異也迹雖異而 氏曰鳴鶴在陰氣同則和出言戸庭手 一里或應出

勞謙君子有終吉子日勞而不伐有功而不德厚之至 術也以往其无所失矣 初六藉用白茅无咎子曰苟錯諸地而可矣藉之 何咎之有慎之至也夫茅之爲物薄而用可重也愼斯 語以其功下人者也德言盛禮言恭謙也者致薪以 天下事成於慎而敗於忽況當大過之時時事艱難 能 大事者必以小心為基故大過之時義雖用剛而以 初爻之柔爲基豈非物薄而用可重乎 或 雜也 不慎必有所失故有取於慎之至也自古能任 /周易集義卷七上 三求恕密

亢龍有悔子曰貴而无位高而无民賢人在下位而无 輔是以動而有悔也 其位者也 色德薄者无異辭如鐘磬然愈厚者聲愈緩轉者 楊氏曰人之謙與傲係其德之厚與蔣德厚者无盈 厚則其禮愈菾矣 是故有勞有功而不伐不德唯至厚者能之其德愈 九吉凶悔吝之幾決於此矣故於此重記。 人深予乎謙之九三則知聖人深戒

密則失臣臣不密則失身幾事不密則害成是以君子 **愼密而不出也** 思奪之矣上慢下暴盜思伐之矣慢藏誨盜诒容誨跘 出戸庭无咎子曰亂之所生也則言語り **塞而得无咎者通於節言故深戒言之宜愼密也** 人之招尤惟言最發之速而不易防夫子因爻辭知 知盗知盗之所由起而審所以 一事也乘也者君子之器也小人而乘君子之器盗 |作易者其知盗乎易日負且乘致寇至負也者小 一乘致寇至盗之招也 ▶/ 周易集義卷七上 為階君 三求犯齊

之也 慢藏海盜冶容誨淫也干古小人居高位而播惡 得肆其殘暴則狡焉伺隙者且將執辭以伐之猶之 者褻慢其名器使小人乘時得勢而在下之小人盆 據必不為人 不凶于家而害于國者盜之來也不啻用小人者招 地一天 石第八章。黃山體之於日用 占筮知吉 八所服而其貪黷又有以啟盗之心在 地四天 章天一地二至行鬼神也六十二人首程于日宜在此今從之吳氏三天五地六天七地八天九地十二

成變化而行鬼神也然子丹此簡本在 位一六居下二七居上三八居左四九居右五十居 言天地之數五十有五成變化而鬼神行乎其間所 中天數五者一 八十皆耦也二十有五者五奇之積也三十者五耦 朱子曰此言天地之數陽奇陰耦即所謂河圖也其 卜筮而知人吉凶也愚按五位相得而各有台謂 十有五地數三十凡天地之 也來氏日變化者數也鬼神指下文小筮而言 錯也天數五地數五五位相得而各有 周易集義卷七上 三五七九皆奇也地數五者二四六 | 數五 十有五此所 此大

数之自然相合也聖人本理以驗數因數以祭理 蓋環而列之 準也後世傳會之說往往流於術數而乖易理之 之而變化成焉鬼神行焉此作易之原而筮法所由 知陰陽聚散之理奇耦相得之情因而寥伍之錯綜 畫卦之由雖未敢信其必然而具有精理節錄於 船山王氏盡闢其說誠為卓見至其因圖而測聖 相得而各有合亦猶十干甲已以次之遞相台也 |與七三與八四與九五與十分居五位奇 二二三四五與六七八九十正相對亦 王氏日此言八卦之畫學於河圖

得其二 者其用也用則散矣其或一以至或十以時為聚散 體而言之一二一而已矣陽盈而陰虛陽一圅三而陰 **燮用其全而人之全天者有裁成之節也五十有五** 散故其象不 類聚而分五位聖人乃知陰陽聚散之用雖无心於 乃見其數之有五十有五陽二十五而陰三十各以 而其數之多算有不可得而見者天垂象於河圖 河圖之垂象也陽曰天陰曰地陰陽之絪緼時有聚 言蓍策之法出於大衍體相因而用有殊天地之 一此法象之昭然可見者也成變化而行鬼神 /周易集莪卷七上 而數之可數者以殊焉以陰陽之本

至下而聚所謂其動也直也陰氣聚於上方與陽交 於中而極其散所謂其動也關也因左八三十而蓋 至於極南上下之分所謂天地定位也陽盛散於上 合者以類相從以幾相應而知其爲天地雷風水火 山澤之象於是八卦之畫與焉因七五一而畫乾因 斟酌而分合之妙必定於五位之類聚遂於得而有 **坎因右九四五而萱離雕位乎東不至乎西坎位乎** 个相射也因一三二一而遭為兌因二四一而實為艮 不至乎東五與十相圅以止而不相踰所謂水火 ||而畫坤乾止於|| 一不至於極北坤止於二不

六七而成簋巽所謂雷風相薄也馳逐於外也雷風 **者天地之中最爲聚而見少者也少者少也甫散** 多者老也氣之不復聚而且散以无餘者也老者居 非其氣周布者也少者在內雷風水火之所保也因 者陰陽之氣動 九六八而畫為選因八七九而畫為巽八九互用參 外以周營於天地之閒也八卦晝而六十四卦皆 二互用参 配合焉其陰陽之互相用以成象者變化也 伸為聚為散或見盈而或見絀者鬼神也 /周易集義卷七上 **|極而欲散者也故因其散而見多也** 四而成艮兒所謂山澤通氣也山 由

行旣與易為叛離其云天一生水而地六成地一 火而天七成天三生木而地入成地四生金而天九 卦之所自出燦然眉列易有明文圖有顯象乃自漢 不語不知其說所自出而蔓延於二千餘年者人莫 成天五生土而地十成不知其多少相配之何所徵 敢以為非夫天生而地成自然之理乾知始而坤成 地所以 生一成之何所驗圖无其理易无其象聖人之 (五位為五行生成之序舍入卦而別言五 行其大用而妙於不測也然則何圖者 定之義令以火金為地生而天成不亦

陰 **也謂民生所必用之資水火木金土缺一而民用不 範洪範者大法也人事也非天道也故謂之疇行用 筮策之事以人迓天之用由此而起矣** 得失皆有固然一 亂乾坤之德逆倡隨之分乎且五行之目始見於洪 行也五行非天之行於河圖奚取焉河圖著其象聖 、紀其數八卦因其合六十四卦窮其變要以著 三揲之以四以象四時歸奇於扐 一陽之妙用而天化物理人事之消長屈伸順逆 ■/ 問易集義卷七上 T 其 用 四 十 有 九 分 而 為 一 定之則所謂卦之德方以智也而 |以象兩掛 象閏五歲再 **毛 求 犯法**

閏故再扐而後掛 則其一 閒也|||||才也揲閒而敷之也奇所揲四敷之餘也 斯易之太極也朱子曰大術之數五十至用以筮則 所能增損也兩謂天地也掛懸其一於左手小指之 者也五歲之 又止用四十九蓋皆出於理勢之自然而非人之 **扐勒於左手中三指之兩閒閏積月之餘日而成** 氏輔嗣日演天地之數者五十也其用四十有九 不用也不用而用以之 閒再積日而再成月故五歲再閏然後 掛之後左右各一 通非數而數以之成 一揲而一 扐苡五

而動之 思累日乃於大衍二字悟其所以然衍者推衍也 其五數之小也所以去五小數者五位各去其一也 之大衍者取五十有五之數用其大數推衍之而去 乙中凡有再扐 而四十九策奇數成陽自足資動之 位相得而各有合此天地之成數不動者也五位 有五大衍之數何以五十舊說非一皆未可信沈 有九者以示靜體且以利動機也夫動必本乎靜 機心資始乎陽置一不用則動中之 //周易集義卷七上 則動而變化生矣而又置一 然後別起 掛也愚按天地之 2始自此贏縮 不用止用 一靜體立

此 數五十有五以三計者十有一以二計者亦十有 於參天兩地三為陽數 | | 為陰數三三而九為老陽 度奇耦相生其過揲之數適得符乎九六七八之數 各十然十陰十陽數相敵而无贏縮則不利於變故 然後變化成而鬼神行乎其閒也 三二而六為老陰由是十二其三為乾之策十二其 |為坤之策皆自||||兩數乘積而得之至天地之 而數止五十則於五位各損其一而為陰陽之數 天地陰陽之全數也人不可用其全故以大數行 一不用以聽陰陽之互為贏縮於其閒而變化 又按易之數起

六十當期之日二篇之策萬有 · 敷也 逆 此 陰陽不測之 爻則皆用陰法以 策二百 回環 焉於是分一 其妙如 老陰老陽過揲之 乘除 ■問易集義卷七十 北豊 十有六坤之策百四上 神 而計過揲之 掛 用其數之或贏或縮皆順乎自 **|**歸於||三 人智力作為於其閒哉 **揲**四歸餘為 一數也古之筮法當二 應如響者聖人與神物以前民 」數視其九六七八以定陰 一之積數以辨其陰陽順 一千五百二十當萬物 十有四凡 變之 | 變而成 **芜**求恕齊 徐不

陰少陰退而未極乎虛少陽進而未極 爲老陰四七二 陽之老少如四九 六百八策合之得萬有 九六不言七八此亦以 一得六千九百一十 **)策百四十有四六乘共二十六二十四而** 而概言之 I VE STELLIN W 一少積之六乘其二 一十八策為少陽四八三十二 族也凡| 一十六策為老陽 二一老計數乾之策一 三百六十 策陰爻百九 千五百二十 一十八三十一 五日四分日之 凡陽爻百 一策爲少 百 得 一亦

伸 道神德行是故可與酬酢可與祐神矣 故四營而成易十有八變而成卦。 所觸動之爻以盡其變則足以該事變而周民用 四營謂分二掛 日天下之能事畢矣 八變則成六爻也八卦而小成者九變而成二)觸頻而長之天下之能事畢矣 較也 內卦矣未足以盡萬物之情也引伸而重之 示人吉凶其道顯陰陽不測其德神顯 /周易集義卷七上 搽四歸奇為一 變也三變成 八卦而小成引而 校 觀

子日知變化之道者其知神之所為乎 變化之道不爲而自然神之所爲不可知觀於變化 變化盡則所以修德而制行者因時以合道則其德 於所畫之象皆河圖之天道也曹策用大衍四營 曲盡鬼謀故可與祐神王氏曰此亦合卦與蓍而言 而體道卦方而顯蓍圓而神易之所以廣大而切於 與 天道之流行於事物者卦象備著而其當然之理顯 用也 酬酢神故 八所易測矣酬酢以盡人而立德祐神以合天 可與施神又日受命如響故可與酬 酢

化而贊之 變化者神之所為而神不離乎變化故因蓍法之 地 五位各去其 郑之 石第九章法而終歎其神以見卦與金 、觀察而知神之別為孰能通變化之道而用之 之數分爲五位合而不動而大衍五十 敦但也倚 突此承上 **|焉以||言者尚其** 下筮者尚其占 而其用四十有九則變化生焉

時之俗尙必不利於用而速敝人特未之 尚象非特上 陰陽之往來消長以爻象言則發動之時位也制器 合於陰陽剛柔虛實錯綜之象其不合於象者雖 者用也尚者崇奉以為法也言謂講習討論以 聖人之道聖人 之得失解其立言之義也動謂行也變以卦體言則 3君子將有為也將有行也問焉而以言其受命也 歸於占故其序如此 解為先明學易當從解る |古爲然凡天下後世所制之器亦皆 〈通志成務而示天下以其由 八也辭生 者也

與於斯 参伍以髮錯綜其數通其變遂成天地之文極其數遂 如鲁无有遠近幽深遂郑來物非天下之至精其孰能 於毫髮之閒觀其變而吉凶著於未見之先可占決 以知來如此此言動之本乎靜而蓍之神實根乎卦 此尙變尙占之事與第二 如響應聲无有遠近幽深皆可逆知而不爽也至 將動而應物以蓍問易則易受人之命而有以告 一周易集義卷七上 而无貳无雜之謂易原天理之自然析理 一章觀變玩占意相發明君 **呈求恕齊**

定天下之象非天下之至變其孰能與于此 其後以 變成八卦 也錯者 交相違拂綜者互爲低! 象以盡意繁群為以盡 其言唯有以通其至變所以 **勝出入之理天下之系不外剛柔調劑之宜聖人** 流无定體盡乎萬殊而无所帶也天地之文立 極其數以爲六十四卦遂定天下之象焉至變者周 而重之有錯有綜以盡其數也變本於一 者吳而相入位者同而相偶此指陰陽之畫參伍而 此尙辭尙家之事與第二章觀象玩辭意相發明察 ,卦遂成天地之文焉敷始於一奇 陰一陽通 昂此指 此陰

易无思也无爲也寂然不動威而遂通天下之故非天 此四者之體所以立而用所以行也易指着卦无思 显利而无窮君子佝之觀象玩解而祭其所以然乃 可擬議以成其變化此見靜之該乎動而卦之智有 同音之神也 測而謂之 為言自然也寂然者感之體感通者寂之用滏 至神其孰能與于斯 **尤為又曰无為而无不為聖** 故即上文遂知來物遂成文定象之意因其 周易集義卷七上 神非精變之 外別有神也程子日 老 通

常變皆備於 而誠 說矣王氏日 幾則 誠以感之 2 象數非待為量調劑以曲赴乎事物此則神之 无思也无為也此戒 神也愚按易本无思无為寂 而遂通天下之 為筋之中故相威者觸之而即與以應 **粗温** 而不測也周子云誠幾 天下之 而太 一故是動靜之理未嘗 和稻於至足之原精粗本 至神誠之至也健而誠乎健 神 然 謂誠則幾

骓 神也故不疾而速不行而至 深也故能通天下之志唯幾也故能成天下之務唯 深者精之越幾者變之微也極深謂以易之 可成所謂神者不 下之 深也故精之所燭來物遂知天下之志於此 八所以極深而研幾也 至精研幾謂以易之變察天下之至變 也故變之 而通 周易集義卷七上 所該萬象以定天下之務於此一 在深與幾之 節 外極深研幾則變

用易之 焉所謂變化之道也觀變玩占可以 日易有聖人之道四焉者此之謂也 故能觸之而无不覺不待心使至此而後覺也此所 神則亦何以為精為變而成變化之道哉此變化 立誠以盡神之謂也朱子語類云易有聖人之道 玩解觀象可以見其變之至矣然非有寂然感通 為神之所為也 不疾而速不行而至 石第十章道則合於一必 道也張氏日 **故神譬如人身四體皆** 見其精之至矣 世用有四

断天下之疑 故蓍之德圓而神卦之德方以知六爻之義易以貢 志成務故能定業冒天下之道故能斷疑 理要歸於道非邪妄之說所可矯誣也開物故能通 巳者也是故聖人以通天下之志以定天下之業以 事物之成自人爲者亦此理成之也冒者覆冒而无 開物謂一陰 不包也如斯而巳者文王作周易 1夫易何為者也夫易開物成務冒天下之道如斯 之明訓也不肯聖人 /周易集義卷七上 陽之道爲萬物萬事之所始成務謂 本諸天人之至 **宝** 求恕齋

夫 藏往其孰能與於此哉古之聰明督知神武而不殺 德宜可惟其所行矣而猶不敢自信必以 圓者運行无滯而數之九六七八不可測 以趙義之大 綱定者故聖人自恐其疏而稽 万者卦有定 入以此洗心退藏於密吉凶與民同患神以知來 至精至密吉凶得失纖毫皆至理之所察而非 一藏其用於天道之不測以筮決之蓋 體 而因時奠位之理至精所以知也 **八曲盡而无隱也聖人體具三者之** 近洗其自 所以 知

畏天而俟命者不能也其德如是所謂與天地合其 自非古之 德與日月合其明與四時合其序與鬼神合其吉 其未當若與凡 民之所患聖 來資卦之 明於天之 繁變以極致其謹慎周詳 如是乎此聖人之體易以厚其德之 7 問易集義卷七 一戒以 聰明睿知神武之君不 知以精其義 道 一人有天祐人助之德可以不 民同患必資蓍之神以 而察於民之 明其德 而藏往非聖人之 夫 而後動也吉凶者 用刑殺了 與神物以前民 一類其 至處无 而威服 **美求恋療** 變而)滅也 钊

故闔 聖 益知蓍卦之 所以其心與神明為 窮 德 明天道故知 神 用出 謂 物蓍也湛 而收 時 謂 飲傲解以待明於神亦可識所從而 事 見乃謂之象形乃謂 用易以 民咸用之謂之神 ノージュアニアラ 坤闢 神 不敬而 神物之 然 純 明而齊戒以敬 納民於敬慎 戸謂之 pj 又以蓍卦之 ,與察民故故以筮 謂 而能藏往 乾 齊肅 然警惕之 闔 而 用雖其齊)神明盆! 知來也 寡其過 闘調之 制 ī 於是 戒 | 娲其誠 謂戒 法開 也 變往 聖 其 敬

故而言 先言闔者由靜而動也 明者同而所用有大小淺深之異此申上節天道 謂之變一 非民之所與知而爻義之顯陳民皆可用原本於 始僅見乎象陰之資生乃形乎器聖人觀察其理制 爻皆乾健之體故以乾坤統言之闔闢動靜之機也 而用之則謂之道法利於日用出入无不宜民皆用 坤謂陰陽也凡卦之陰爻皆坤順之體凡卦之 而不知其所由來故謂之神蓋卦與蓍神智之 //周易集義卷七上 往 來陰陽之 闔 遞嬗也故謂之通陽之 闢陰陽之變易也故 毛求恕齊

卦定吉凶吉 放易有太極是生 卦也八 成三 乎日月崇高莫大乎富貴備物致用立成器以爲 而生九六七八之數是爲陰陽老少之四象九變 此指筮法而言大衍之 太極者理之 | 畫之卦十有八變而成六畫之卦要不離 、卦具而定吉凶則足以斷天下之疑矣吉 凶生大業 則 AN A FYRATA TAKE TO THE TAKE T 有以成天下之務矣 本也於是分而爲一 地變通莫大乎四時縣象著明莫 兩儀 数五十置 兩儀生四象 兩儀生馬揲 四象生八卦 用以象 乎八 極

凶成天下之亹亹者莫大乎蓍龜 是故天生神物聖人則之天地變化聖人效之天垂象 利莫大乎聖人探賾索隱鉤深致遠以定天下之吉 富貴指有天下履帝位而言備物制用非有天下之 聖人不能行其志也亹亹猶勉勉也在天而爲天地 以其藏往知來能定吉凶示天下從違之路而 月四時吉凶所自出者蓍龜皆準之在人而帝 天聖人法天之大業蓍龜皆備具其道故極贊 勉勉不已功用之大與造物通也 /周易集義卷七上 河出圖洛出書聖人 人則之 天求恕齊

易有四象所以示也繫辭焉所以告也定之以吉凶所 /斷也 也於易无取然其象數則亦有相通者洛書本龜背 之文古者龜卜或法之以為兆上兼言蓍龜故類及 時位之得失爲之也河圖即天地五十有五之數聖 成萬物也垂象見吉凶者七政雨暘之災祥一 神物蓍龜也則者取以爲法也變化陰陽交動而生 四象謂陰陽老少示謂示人以變化之道上 人則之以畫卦者也洛書出於禹時所謂洪範九疇 陰陽

易曰自天祐之吉无不利子曰 此 也人之所助者信也履信思乎順又以尙賢也是 天祐之吉无不利也 驅 乙末侯氏謂是引以證上 **之理**矣命 2道備矣 盡其神用以示以告以斷民得與焉而開物成務 右第十 節朱子謂在 節専就着言之 周易集義卷七上 章此章專言筮易之理然發聖人藏 此无所屬恐是錯簡宜在第八章)明聖人 文言人能依四象所示 「祐者助也天之 天而制為象辭 所助

當移置十 與第二章自天祐之 民之故合天人者也所以興易以示天下欲人居 人以合天自與吉會以申釋第一章之意 所告則天人 玩辭動則觀變玩占履信思順協乎貞 小盡言言不盡意然則聖人之 立象以盡意設卦以盡情偽繫 章之末耳蓋聖人明於天之 施 (助吉无) 語相應非錯簡也說亦有理 何氏 意其不可見 謂取以 道 也 理

也類 地六子象雷風水火山擇已足盡其意矣因而重之 其意之不可見者多矣能盡之者其惟易乎古之聖 卦爻而繋辭焉象旣盡意故辭亦盡言蓋象之所示 設為六十四卦則情偽盡在其中矣後之聖人又因 人仰觀俯察立奇耦之畫以象陰陽於是乾坤象天 天地之大民物之繁其中變化之无窮非書傳所能 无窮因象繫辭亦辭約而義博足以盡言也猶 /周易集義卷七上 可以意會而不可以言傳者雖詩書所載 也又變而通之參伍錯綜以 **空**求 郊 蒼

遂也王氏曰學者當合卦象變通鼓舞之妙以徵繫 之 然後所合之義顯焉辭雖有證而卦象通變之切於 辭之所示而不但求之於辭也象陰陽奇耦之畫道 舞盡神之 則物情之得失見於剛柔時。位矣繫辭則以盡情意 之表蓋辭之中戒勉之言卽變通盡利之道亦卽鼓 由是鼓之舞之卽陰陽不測之神亦无不盡於意言 所自出則易之大指不踰於此也六畫配合成卦 可言者也義利之合也卦象雖具而變通参伍之)幾也至此而聖人憂世覺民之意乃无

坤其易之 陰陽十二位之往來六十四卦三十六象之錯綜求 无以見易易不可見則乾坤或幾乎息矣 象而徵辭不會通於六爻不合符於彖象不上 讀易之法於此至為著明自王弼有得言忘象之說 凶皆藏密之實理而无不可盡之於書矣夫子示人 而後之言易者以已意測一端之義不揆諸象不以 見聖人之意難矣 用所寓也如是以玩索於易然後繫辭之得失吉 /周易集職卷七上 邪乾坤成列而易立乎其中矣乾坤毁 利用出入使民 罕求恕渣

陽之十二則納兩儀於六位之中必有變有通 建之義則无以見變易之本也息者謂乾坤夷於諸 易之道皆在其中也毁淆飢之也謂人淆亂乾坤並 陽十二全備也易變易之道也乾坤全備乎陰陽變 乎六十四象明者以知來幽者以藏往來者以立體 卦而不得易簡之理也王氏曰乾坤各具六爻之全 在者以待用體其全而後知時之所趣皆道之所麗 此健順之德所彌綸以為其實六位不足以容陰 大用而卦維六位乃六位之中所錯綜互見者 衣內絮著也充實於中之謂成列二 一卦並建而

從時承天時行之德可逆以自便德不崇 而 有變易而无生滅有幽明而无有无 剝之五陽歸於何所夬之五陰返於何地變通 變之象則姤之一 利於一 皆非乾坤之所固有而乾坤有息滅之時於是 禍稲无端无以 避於吉凶之塗道之所以不明不行也 明於 時幸功於 周易集義卷七上 、明於文王夏商之世易道 此而 陰何自而生復之 見易矣抑不知陰陽之盈虛往來 **滅裂乾坤並建之理以詭遇** 得則自强不息之學可廢以 則且疑二 **陽何自而** 而業不 至 求恕齋 一卦之 於

充消蹇乾以不乾見者陰 乾 欲 藏 與 孔 腸 盈之坎人離則半幽 乾 坤 虚相離事非坤隱 不 於決頤往徒處者明 為 並 猶 一列 者 秦 則 圓錯過之坤幽陰位 所 玠 報為坤陽 亦 而然明 禺 於者乾之孚其他乾其也能卦又 聖 爲 坤妙巳錯卦處位 應 洗 論 綑檨背易周轉 象卦能乾 相 理綜並 毁 張言編降家未為列見園嚮爻建 樊士 乾 所 、彰用之爲之者之以 日出其相睽然所示六體背六顯

是故形而上者謂之道形而下者謂之器化而裁之 變推而行之謂之通舉而錯之天下之民謂之事業 可非窮而極乎 不易 息之春 朱子曰卦爻陰陽皆形而下者也其理則道 象也皆書之 知之故正 化而裁制之變之義也變通二字上章以 之所著也器也變通以成象辭者道也人言王氏曰道與器不相離故卦也辭 附義王伸滯 著亦氏相也 周易集義卷七上 (興事業者道 2說發明陰思行資則道義之與者人也 也聖人之意所藏也合 罗陰陽兩在之意雖 化载之門出入而不入也太極之用无所不成之, 也因 也解

是故夫象聖人有以見天下之蹟而擬諸其形容象其 而措之天下之民使之各盡其所以相生相養之道 變无所疑滯而運用不窮故謂之通舉是變通之 器有所指別而名體各異故謂之變推而行之則是 故形而上者與形而下者皆謂之形化而裁之則是 有體所以 孟曰道也者无方无體所以妙是器也器也者有方 之意合上下於一 道器而盡上下さ 故謂之事業 /顯是道也道外无器器外无道其本一 貫豈有不可見之秘藏乎王氏景 2理則聖人之意可見矣聖人作易 也

鼓天下之動者存乎辭 極天下之蹟者存乎卦 以行其典禮繁辭焉以斷其吉凶是故謂之爻 達矣 存在也此結上立象以 宜是故謂之象聖人有以見天下之動而觀其會通 此結繫辭焉以盡其言意鼓即鼓舞之謂使天下之 重出以起下文蓋象辭之中變通在焉事業與焉辭 風象象以生辭兩者互成而聖人作易之意无不 一叠焉手舞足蹈而不能自巳也 / 周易集義卷七上 [盡意] | 句意 医求恕森

神 鼓舞乎人 越時者即萬不測之神非人善體之要有所不能 而明之存乎其人默而成之不言而信存乎德 而裁之存乎變推而行之存乎通 此結鼓之舞之以盡神易本天道不測之神雖解之 可以言傳惟能默喻其理而成象於心卽聖人 、聖人之意見乎辭辭雖本於象與卦而其變通 意亦有以信之此心得躬行之實而明之之本也 話變而通之以盡利 一种鼓舞於不自知乃足以明之蓋神之不測者不 八者固足以盡神然必以人心之神契乎易 ١

乎其中也 在我自深喻於意言之表然後易簡之理得而成位所以君子樂於觀玩而擬議以成其變化則易之道 而存果矣 右 窮道書末 第 理義言乃十 □周易集義卷七上 性門所默 章 以自能而盡此 至與盡成意章 於易哉之以總 命合學不 也為者言反十 返而覆 必而求諸身心成性存心信存乎德行然則易復於易之書言可謂盡

周易集義卷七上					

繋解下傳 **周易集義卷七下** 卦成列象在其中矣因而重之爻在其中矣 有先後參伍錯綜乃足以效天下之動也 一卦則其體有上下其位有內外其時有初終其序 備列矣然猶未足以盡情偽也因而重之為六十 **畫之卦既成為八則天地雷風水火山澤之法象** 相推變在其中矣繫辭焉而命之 吳興劉承幹校 溧陽强汝謌集 動在其中矣

吉凶悔吝者生乎動者也 柔者立本者也變通者趣時者也 而命之 動者存乎辭也 觀其變通緊辭焉而命以當然之理所謂鼓天下 凡天下之吉凶悔吝皆生於人事之動而繫辭即因 利也卦有卦之時爻有爻之時此申上剛柔相推而 剛柔迭相推變化所由生也聖人有以見天下之 剛柔者陰陽之質不易之定體即易閒之理所寓也 本若剛變為柔柔變為剛乃變通趣時以

吉凶者貞勝者也天地之道貞觀者也日月之道貞明 者也天下之動貞夫 論吉凶者是也觀者垂象以示人也天地之垂示无 貞正也貞勝張子謂以正為勝來氏謂易道皆利於 歸其德於健順急立本也 **表必本之巳立乃可乘時而趣故下言貞一之理以 弱此貞也日月之照耀千古亦此貞也天下之動其** 正蓋以道義配禍福故為聖人之書言惟正則勝不 **天无窮然順理則吉逆之則凶豈可以二而求之哉** 變化之意立本者天地之常經趣時者古今之通 /周易集義卷七下 一者也 一求恕齊

夫乾確然示人易矣夫坤隤然示人簡矣爻也者效此 一也象也者象此者也 条動乎內吉凶見乎外功業見乎變聖人之情見乎 理而貞夫一也 確然至健而不虛之謂憤然至順而不競之謂乾坤 **亦貞夫理之** 純體固易簡矣而凡卦之爻象莫不本於乾坤故 正理導民與術家之談禍福懸如霄壤也 所效象之所像雖變動隨時无非本此易簡之 至一者而已聖人繁解以明吉凶主於

爻象之 哉 道而已共情之深於覺世爛民者豈不昭然若 此鼓舞天下使因時務本以善其動合於貞 一初動日內事應之生 財理 所動而吉凶之 周易集義卷七下 則无往 財正解禁民為非日 不足以参天地義所以 主聖人之 大德日生者仁 而不可成功業聖 理著因其變以行乎吉凶之 起日外立本以 八成位 趣 求恕 時則 随 何

之所發主於仁民義者仁之見於條理者也來氏 民為非謂憲禁令致刑罰以齊其不可導者也蓋 所以利之也正辭謂殊貴賤使有度明取予使有 有此貞一之大德聖人以仁義與天地參易之為 辨名實使有信利之所在不可不導之使知義也禁 故曰立人之道曰仁與義項氏曰聖人之仁卽天地 之生大寶曰位卽崇高莫大乎富貴者也財者百 教之而後齊之聖人之政盡於此三者矣其德)總名皆民之所利也理財謂水火金木土穀惟 德易簡貞一 之大德也仁義者貞 一之理也天

敬道用之爻易繼源聖 右 | 變 包 通 指聖也極於象之之易人 神 盡人至乎乾變事以之之 № 周易集義卷-於作實博坤動易聖體成章 此易則而之之之人 也亿 中用之 順極而而也仁紧聖舉日 也乎抑又 東諸身遠 王變且推王見章 有地章 勝 而約原氏聖率以易論 則常之立日人天克簡易 歸 太至於本此有地配知而 於 取 極足.貞乃章以易乎能闘 諸 則一以約參簡天之之 昭 則 觀 天一此而貞 四皆日 法 地始 其才之而動此德易 於 義之大歸於行而之 字之 地

結繩 性情 易皆气 所 離 俯 中 自作也伏羲氏畫 作備物致用立成器以為天下利者无非有 通 仰 有自 遠近所 神 |地口| 明之 是 ||合乎對 形體將言制器尚象之理而先推入 網罟以佃以漁盡取諸難)德以頻萬物之情 取不 王天下者明守位也 承 而 物 八卦以前民 抵以 焉蓋者疑 擬是卦而後 用後之聖 是 精 觪 言聖人作 是 粗 成 律 相 取 而 也

所蓋取諸噬嗑 日中為· 教天下蓋取諸益 民宜之易窮則變變則通通 離在上爲日中震為動出日中者萬物相見之時當 此時而動出市集之象 動故取法焉 **耜耒首卽今之犁頭但古之耜端无鐵削木銳而** | 耒耜 氏沒黃帝堯舜氏作通其變使民不倦神而化之 市致天下之民聚天下之貨交易而退各得 柄也揉木使曲而為之益上異下震上 愛則通通則久是以自天祐之吉 五求恕畜 用

窮而當變者也變而通之所以趣時也民之所未厭 也及黃帝堯舜之世風氣慚開不可如樸略之世此 不利黃帝堯舜垂衣裳而天下治蓋取諸乾 舜者干古人文之始中天之運至此而開洪荒之 **所以然者神也以渐相忘於不言之中者化也雖** 而時將變聖人因而通之則民不倦由之而奠知。 農以上 人不强去民之所未安聖人不强行夫惟其數第 此而變也垂衣裳而天下拾无為而治也无 而民自无不宜也言通變神化而獨詳於黃帝 一民用未滋所急者食貨而已此聚人之本 坤

服牛 刳 乾坤健 蓋取諸煥 濟 始 剡 乘馬 說內動 行舟之象也 削 瓜 為 耆 聚於市而未通乎遠也舟車以 舟者 其木使銳以 舟 剡木 順之實德易簡以得天下之理而已矣 引重致遠以利天下蓋取精 象牛馬引於前而車 剖大木勞其中今嶺 焉因其自然之變而以自然之理處之 周易集義卷七下 為楫舟楫之 刺岸也異木浮坎水之上 一利以濟不通致遠以利 隨於後以動也前之 南獨 通 木船 推行盡利矣 随 其遺制 六求恕蹇 風水 體 也

一弦木為 重 断 門擊 木為杵掘地為日日杵之利萬民以濟蓋取諸 古穴居而野處 在豫時也 坤 為閩戸重門之象慶為雷擊 亦於睽象有取焉 杯以待暴客蓋取諸豫 弧剡木爲矢弧矢之利以威天下蓋取諸睽 動 取踏大灶 一段乖已甚不可无以 杵臼之象 後世聖人易之以宮室上棟下宇以 成服之 · 林驚眾之 弧矢相激為

稜世聖人易之以棺槨蓋取諸大過 古之葬者厚衣之以薪葬之中野不封不樹喪夢无 察蓋取諸夬 一古結絕而治後世聖人易之以書契百官以治萬民 象 也風雨動於上棟宇健於下大壯之象也 書契書木板各分其一 大過中四陽重固堅實藏於初上二陰之中厚葬之 乙合同文書治謂分理眾事之期會察謂辨別取與 棟豎柱而上之也下字從上 一周易集義卷七下 以為約左以取右以與若今 而垂下也風雨動物 七求恕裔

故易者象也象也者像也 合也或日兌為語言乾為健固以健固載其語言書 於萬物象者形像之象也夫象者理之所著也理无 之數也夬五陽連合上 契之象也 形也因象以形之非象則无以見易然所謂象卽 制久法於石器遠以陰第 明取象以制器之義故以此重釋於象言易者象 者而利陽 二 皆與用奇 章 當聖者耦凡此 象同必綜 也功與之 凡陰理制 陰有分剖之象離 陽數器三 之類以卦 象如利以 數此民明 胳即用制 合後者器 乃之蓋尚 可損无象 行益不之 而固 可

吝著也 **象者材也爻也者效天下之動者也是故吉凶生而**: 失之繁矣 解則象爻解占皆不離乎所畫之象易之全體在象 材耆畫象之材也非象无象非象无爻非象與爻无 材者體質之謂效天下之動則其用也有此體乃 所生所著也因爻而呈而爻亦本乎象所固有之 八畫奇耦往來應達之閒若舍是而别為附會則 生悔各存乎心而見乎事故日著吉凶悔吝辭之 用用者用其體惟隨時而異動爾吉凶自外至故 周易集義卷七下 八水恕者

其德行何也陽 陽卦多陰陰卦多陽其故何也陽卦奇陰卦 民小人之道也 此據三 明矣 赐 君謂陽民謂陰陽卦一 道磐圭二 右第三章以卦畫之 耦即耦為主是為陰卦故陽卦多陰陰卦多 |卦而言| 一君共争一 君而一 人實馬主法 耦 民君子之道也陰三 民
其
事 民二也故為小人之道陽卦 奇卽奇為主是為 君 也故為君子 耦 君而 陽針

而殊途 韓氏日天下之動必歸於 1第四章 |陽也而陰卦亦主陽可見陽有常尊也 矣處雖百而致 [塗雖殊而歸同則往來自不容无而加之 往來朋從爾思子曰天下何思何處天下 何以思慮為哉必思而從則所從者亦狹矣 不思而至朱子曰理本无 **教而百慮天下何思何慮** 矣愚按天下之動貞夫 則思亦人心所當有而 思以求朋未能 而殊塗百慮莫 者也以

T來暑往則寒來寒暑相推而歲成焉往者屈也來者 何以憧 威之何以 則月來月往則日來日月相推而明生焉寒往 威以誠也情偽相 風而利害生 威以雜 憧 |也本| 威復 此以往來屈信明威應之理屈則有信 相威而利生焉 思慮為哉亦貞夫一 威應也凡有動皆 有應所以不已也張子曰屈信相咸 致也雖應有百變終遵道而奠建 為咸咸則必有 也雖途有萬殊可不 理之自然而已矣 也王 應 所 則 期 則

見同歸 和順之德不息於兩閒形神聚散交无 而巳矣聽其往來之自致而貞一之體不 其志也往者非果往也屈而巳矣來者非終來 然況於物之順逆事之得喪乎 理之 屈以求信也龍蛇之蟄以存身也精義了 子博觀於天地人物之化生死得喪之常而)循環无非可受之命可行之道故極言之 取物 用安身以崇德也 局易集義卷七下 致之理而无事思慮以從其朋感物而 以明之尺蠖之 行先屈而後信不 喪則清 十水恕產 介神 也 喪

知命隨其所 矣朱子日 測之變化皆悉其故矣此修於靜以求用之 按精義者格物致知 為出而致用之本利其施用无適不安信之極 然之機也精研其義至於入神屈之至也然乃 乃所以為八而崇德之資內外交相養互相發 信矣龍蛇之藏所以存息其身也不蟄則不能 為信靜為屈靜而致用則不窮於往動而崇德 知 明處當 因言屈信往來之理而又推以言學亦 遇 而无弗安此順於動以 惟吾所用而无弗利安身者樂 而審其至善之理也入神 也 所

過 也 朱子曰下學之事盡力於精義利用而交養互發之 以往之功效且未之或知况外物乎所以能大而化 長卽憧憧也故君子之於學一於其所當思卽過 思崇德也所以 万精義入神時不暇思致用也當利用安身時不必 (往未之)或知也窮神知化德之盛也 能已自是以 **>德盛神熟而自致耳然T** 周易集義卷七下 7必有事焉而勿忘思之 | 上則亦无所用其力矣至於 不朋從於天下固巳 **小知者往而屈也** 一也正 卽

期將至至妻其可得見耶 困而困焉名必辱非所據而據焉身必危旣辱且危 亦異乎聖人之言矣 也後之學易者於過此不可知之數強求推而知焉 知之化不求知焉聖**人** 下之屈我信我者本不可逆億以知而 氣有陰陽推行有漸爲化合 1困于云 [致者來而信也是亦威應自然之理而已張子] 小人欲害君子是非所困而困也小人乘君 石據于蒺藜入于其宮不見其妻凶子日 八所以貞生死得喪而終无 不測為神王氏曰 付之不可

也 也 弓矢者器也射之者人 患而悖可解也迫於解而不相其時東漢黨 愈解而愈粉也 公用射隼于高墉之 **有適**以自困而已 乙器是非所據 周 易 集 義 卷 七 下 不畏不義不見利 八也君子藏器工 (出而有獲語成器而動 一辱身危自取城亡困君 革者 所

謂也 懲而大誠此小人之 可恥莫如不 乙不幸也刑以 **百蹈之尚何以** 小則馴致 全之 也以 成名惡不積不足以歲身小人 一碗教豈得巳乎 地 為勸惟懲之以 小惡為无傷而弗去也故惡 惡積而罪大矣幸免於初實小 何校滅耳凶 成或知誠耳懲之 、趾无咎此之 利是旗

|身安而國家| 安其危而利其災焉千古治亂之 |哲不諱危亡常綢繆於未兩危亡之國必多忌 安其身而保國家者尚鑒於茲 |是故君子安而不忘危存而| 者安其位 日敬勝怠者吉怠 而位尊知小而謀大力小而任重鮮不 君子所以問 周易集義卷七下 公飲其形渥凶言不 可保也易日其亡其亡繁于苞 不惟畏正愛其弗畏入畏 勝敬者滅義勝欲者從 不忘亡治而不忘亂 **小勝其任也** ~ 衛者有其治

易日介于石不終日貞吉介如石焉邁用終日斷 古之人臣所以亦必量度而後居其任雖百僚庶 措天下於治矣古之人君所以必量度而後授之 者動之微吉之先見者也君子見幾而作不俟終 任戒有國家者不當任之而受任者顧可不自量 任重若夫德之不立雖有知力亦无以咸格天 且猶不苟況三公乎鮮不及者災害並至也不勝其 子知微知彰知柔知剛萬夫之空演書 知幾其神乎君子上交不留下交不嬻其知幾 而无知則不足以應變有知而无力則不足

留下交貴和易便近於演非存祭之密疆界分明者 而觀之何其知幾之早若同於神而君子所守至正 有成形於此見其幾卽作而去不俟終日蓋其耿 不能辨之不爽也君子靜正自守其於詔瀆之幾辨 欲之牵者不能早辨而知之也上交貴恭遜易近於 如石光有一 幾者在欲動未動之閒端倪初發而甚做非絕无私 理得失之幾若黑白之顯著故覺之獨早非以機 三嚴至審則交際之閒不待事變之著而吉凶口 例也昔穆生因醴酒不設而去楚引此以為言 /周易集義卷七下 毫私欲之牵是以能剛斷若此從其後 西求恕

子日顏氏之子其殆庶幾乎有不善未嘗不知知之未 I 復行也易日不速復无祗悔元吉 庶幾近意言近道也或以為承上知幾而言亦通-獨二隔三不與四交上交不詔者也初亦不正而與 豫卦獨九四得時初與應而三與比交乎四而韶矣 出處語默卜治亂焉抑亦可謂之至神也矣來氏日 有柔有剛惟知之明而應之速則善斷矣天下於其 **其庶幾乎申公白公則愧之矣天下之事有微有彰** |比||中正自持下交不讀者也聖人之言皆有所

念之明悔之 愚常謂庸人後念明於前念君子初幾決於後幾後 然不昧故一念甫動毫釐有差即與素志相違而疾 不聞之中萬理森然而痛癢自覺故拔一髮而心為 喻其非隱而莫見微而莫顯省察之功易而速矣故 **甚難也王氏日復之初九一陽起於五陰之下至靜** 而存養之功巳密則天理流行而大中至正之則炯 乙中而動幾興焉則知无不明而行无所待矣蓋靜 知知之未嘗復行為難殊不知有不善未當不知 **V**周易集義卷七下 所自生也初幾決則无事於悔矣不睹

則損一 過 此爻尤與上爻文意相關 |可謂柔矣||而吾固巳斬然而絕之此章意多相 網組萬物化酯男女 微而知其彰於柔 明是以至此欲進此者當自顏子始豪釐絲忽之 萌於方寸之閒可謂微矣而吾固巳瞭然 〈密之 行則得其友言致)狀醕謂厚而凝也化酯言氣化也化 二則雜也 而知其剛蓋由用心之精燭 構精萬物化生易日三 也也 巾

至矣易日莫益之或擊之立心勿恆 求君子修此三者故全也危以動則民不與也懼以語 恩非素結信非素字為无交而求從欲惟危為危以動心知非理自覺惶恐為懼於 民不應也无交而求則民不與也莫之與則傷之者 易字與懼字對易者直之意懼者曲之意事不同 理子為人 第 性學隨恆章 之可集易擬章 下之過之言而第 於亦因初分八 **庸略簡未屬**章 凶 行此繁定傳略 **萧**所人下迨皆示

變通而生乾坤之良能體物不遺而變之通 物謂爻也凡陽爻皆乾之陽凡陰爻皆坤之 **刚柔有體以體天地之撰以通神明之** 卦已成之 者物之所自出也諸卦皆出於乾坤故爲易之 其易之 T 陰 卦 之 ·體也陰陽合而成六十四卦各有性情 筮者占示吉極聖人之學 門邪乾陽物也坤陰 齊人事之至蹟皆天地健順之德 體 于剛柔 陰一陽之用而已 K 而已故此 心也如 者因以定焉撰其所 物也陰陽 德 除也

其稱名也雜而不越於稽其類其衰世之意邪 之意蓋指文王與紂之時也治世无飢象而亂世 有治理故惟衰世而後雜而不越之道乃著而文王 體之通之之類似非上古湻質之時思慮所及意者 體天盡人之意見乎象象者乃全也 衰世民僞日滋所以有此名物事頻耳故以爲衰世 剛柔交威合德之所固有不越乎天地之撰也但稽 卦爻之稱名或言物象或言事變至雜也然皆乾坤 而察來 而微 我卷七下 亦 疑 有 誤 顯闡 幽開而當名辨物正言断 爂 **七求恕**

違之常理也斷解以辭斷其吉凶也備者統上 象立名極其允當而卦德以著也正言定其得失應 **旨所謂雜也推其所從備則不越也** 有以闡之蓋以至微之理寓於至著之象也當名 微之蓋於至著之中寓至微之理也天道至幽也易 者巳著之理來者必然之應人事粗迹也易有以 謂卦名及辭中所舉事物之名也小者專以 事言也取類取義而推其類也肆陳列也所言。 而隱因貮以濟民行以明失得之報 |小其取類也大其旨遠其辭文其||言曲||而中

措之安吉之 而並建乾坤以統萬象周易之所以軼夏商而備天 節備寶易理以申雜而不越之義惟乾坤以爲門故 然歸於理之 者失得在人事而吉凶之報不爽也程氏日理貞夫 人之道也 可越而惟衰世其變乃著伏羲之易待文王而 而民貳之有失得故貳也明失得之報則天下曉 成列分明而所以然之理則深隱也貳疑也 地此其所以為衰世之意邪王氏日 而民行濟矣擠者出之陷溺之危而 卷七下 二三元表 世之意

易之興也其於中古乎作易者其有憂患乎 致 里 而 中古指殷之末周之刻而言上 憂患也乃若身之處困君子所弗患而況聖人乎然 无解沿及夏商未得聖人制作也至文王拘於美 履德之基也謙德之柄也復德之本也恆德之固 用崇德之法而易教以與也憂患者憂患天下 遵伏 九卦即修德之要也 而繫彖解乃極深研幾得其理以垂爲天下後世 |憂患者亦自有道惟益修其德而巳下文所 徒易 爲循 後人所 虚况 名其 一古伏羲時以 乎世 象垂教

巽德之制也 也 損德之脩也益德之裕也困德之辨也并德之地 **思之事也而有序焉基所以立柄所以持復者心** 身遷善改過以長善困以自驗其力井以不變其所 外而善端存恆者守不變而常且久懲忿窒欲以修 其德有以爲基而立也謙者自卑而尊人又爲禮者 然後能巽順於理以制事變也陸氏曰巽旣順於 之所執持而不可失者也九卦皆反身修德以處憂 1 履禮也上天下澤定分不易必謹乎此然後 /細微无不透 周易集義卷七下 徹則臨事乃能隨宜斷制故

陽皆般末周 益盛衰之始困井陽皆陷於陰中巽陰伏於下而 微陽初起而重陰居其上恆陰陽互相入而相持損 德之制 〇 王氏日文王周公之 而後易益長裕而不設困躬而通井居其所而遷巽和而至謙尊而光復小而辨於物恆雜而不厭損先 其時位之相若也履謙陰陽孤而處於憂危之地復 術以相制也 卦為德則德即成於時位之中而不犯而不他求 初憂危不盜之象而聖人履其時即以 志於此九卦而見以

露程子口 身困而道亨井不動而及物異稱物之宜而潛隱 德 自卑而尊且光復陽微而不亂於羣陰恆處雜而常 和行 一設是撰造撰造則爲偽也 不厭損欲先難習熟則易益但充長而不造作 知必自知然後見天地之心有不善未嘗 諫以制禮復以自知恆以 /周易集義卷七下 益長裕而不設謂固有此理而就上充 寡怨井以辨義異以行權)明也寡怨謂少所怨尤辨 德 禮 世然事肯至極 義謂安而能慮 德損以遠害益

易之為曹也不可遠為道也屢遷變動不居周流六虛 復贊之 出之非即所謂德之制歟又云邦無道危行言孫非 處憂患外達外情之變而內自居於大正聖人之 之巽而不以他字代蓋即取遜讓意也論語云孫以 即所謂稱而隱默而行權之道其端亦著於此矣 **所以至也君子修身之要序亦如此缺一** 不激於裁制而制自行聖人之權也以此九卦之 順於理如權之於物隨輕重而應以擠時之變則 愚按異古通遜夫子象傳於異卦皆直 一不可也故 德

遠之意屢遷謂其道變通而不滯乎物不可執成法 相對者觀之略可見矣此序卦所以必取乎綜而來 爻為下或自上而降或自下而升上下无常也柔來 而剛柔爻晝往來如寄故以虛言外三爻爲上 不可遠不可離也以之崇德廣業居安樂玩皆不可 」其屢變无常不可以典要求惟變所適而已蓋陰 以綜言卦變深得聖人序易之意也典常也要約 **쀗分剛上而文柔剛柔相易也即以序卦之兩兩** 推測之也不居无定在也六處六位也卦雖六位 无常剛柔相易不可為典要惟變所適 /周易集義卷七下 王求恕亦 一

其出入以度外內使知懼又明於憂患與故无有師保 如辟父母 其閒非日日漸寒漸暑刻期不爽也以人事言之少 序以天化言之寒暑之變有定矣而風雨陰晴遞變 盡物理以日新而富有故占者學者不可執 老之變有定矣而勞逸憂樂錯見无恆亦非日日漸 陽之氣絪榲而化醕雖有大成之序而實无一 乙法當知唯變所適以善體其屢遷之道也 旺漸衰盡人一 易雖不可為典要而其出入往來皆有法度而非 致也易之為道亦如是以體天化以 定之 挺

初率其辭而揆其方旣有典常苟非其人道不虛行 揆也 動也 至處之无所不周故訓之无所不切也 知以藏往故知事故趙氏曰不特使人知懼又明於 曼思與所以致憂患之故諂諂然與民同其憂患 《而揆度其周流无方之方則至變之中自有至常 始也率由也易之惟變所適其方之究竟若不可 如師保之提命且直如父母之儼臨愛之无所! 人知懼而不敢犯也虞氏曰神以 然解則各指其所之苟先由其解以研究其精 周易集義卷七 內時位得失之閒吉凶判焉皆足以 知來故明憂 主求恕

不言而信存乎德行苟不至德至道不凝焉〇王 則祭其隨時之中而愼守其至正之則於是易之 曰占者非徒知吉而喜知凶而憂也苟爲君子 以行萬變而利用非其人則恃其吉而委其凶於 在不 可奈何之數其占也不如弗占易道虛設矣易之 一樂玩也然神而明之存乎其人默而成之 典要者旣有典常矣聖 ,也非言禍福也占義也非占志也此學 也 人之情見乎 氏

也 因六爻之時義 氏 其天理以啟无无則事亂 為 可命若代其可折博內之 卦之 也 質謂卦之 得之夫天心如衷謀畬 乎愆以詔則何之之之 周 體質 射人變之定卿心所 集義卷 而繁爻 覆迪可時論士求知 體質文王 而緊
新
解 之盡勢然以其也 術於而而後至理 七解下也 為質也六爻 言寡爱无筮於之 原 即之却自决人安筮 何氏日易之 周公觀六位之交錯 欲途所靖之士而 解而審則抑則未於 占處筮或切得 侮 平與是以忠問在 惟 言學知邀臣之天治 其時 而初易神孝師子 不无者告子友諸之 物 畏二所而處又候大

初 與 聖人之繫卦為之推原其始要約其終彌綸全卦之 演 之宜因其陰陽之物而立之像然其大指要不過 理 而後至於著初者數之始擬議其端故難知也 卦之終事皆成蓍故易知也 難知其上 **彖辭之意王氏日射禮射位日物物位也時物** 位也亦通 如物之有體質至於繫則惟相其六爻之時而 卦卦必合爻之全而後成卦 氏日以下皆為讀易者言也韓氏日夫事始於微 易知本末也初辭擬之卒成之 不似便成他象 遵

噫亦要存亡吉凶則居可知矣知者觀其좕辭則思過 **岩夫雜物撰德辨是與非則非其中爻不備** 乎斷无是理且其說大抵附會支離其不足信也決 矣 所言豈本卦之材德本爻之時位聖人轉置而不論 雜錯雜也撰述也是非吉凶得失之本也中爻謂卦 互卦而言下文二與四三與五皆爲互卦而發信 中四爻言欲錯陳其物撰述其得通辨其象以别是 則非偏祭其中爻不能備其義也乃或謂中爻指 √ 門易集義卷七下 画求恕意

為道不利遠者其要无咎其用柔中也 |與四同功而異位其善不同||多譽四多懼近也柔 有不齊者爻之時位參池未可概論者耳 **象統全體以立義六爻之時物大抵括乎其中至卦** 義皆先定於象故家爲 此以下論中爻功謂見功之地同功二 乙主爻如屯之以初為侯師之以二為丈人之類 吉凶則就卦辭已居然可知矣故知者但觀其彖辭 叩即其質以思其變固巳十得五六矣蓋亥王之 卦之綱而爻其目也其閒 | 與四皆

危其刷勝邪 二與五同功而異位三多凶五多功貴賤之等也其柔 同處乎陰也異位謂遠近不同五者一卦之尊位遠 近皆自五而言一 **所以多懼者迫近尊位不得自安也然柔之為道了** 凶也然大抵陽位以柔居之則危以剛處之 其用柔而得下卦之中也 能自立一 邪者不定之齡或有柔居之而吉者得其時也蔡氏 五同處乎陽而貴賤之位不同故五多功而三多 一遠於五宜若不利而其歸得以无咎者以 //周易集義卷七下 一與五應爲遠四與五比爲近四之 之爲勝言

易之爲書也廣大悉備有天道焉有人 功又或柔危而削勝此所謂撰德也而辨是與非異 道者立天立地立人之道也易包括兩閒之化理而 為雜物或柔中或不中或多譽或多懼或多凶或多 在其中矣 右第九 一才而兩之故六六者非它也三才之道也 或遠或近或貴或賤此所謂爻有等故曰物者)大用故於六位著其象才者固有之良能 八道焉有地道

當故吉凶生焉 **洹有變動故曰爻爻有等故曰物物相雑故曰文文不** 重之故六而以上二爻為天中二爻為人下二爻為 地聖人所以兼三才而兩之者非以私意傅會三 而名其畫曰爻爻者傚也傚天下之動者也爻有貴 之道自各有兩不得而不六也 效其才物之 二才之道各有變化移動 柔剛地之 //周易集義卷七下 所以成事之所自立也三畫已具三 一才仁義人之才天高地下人居其中各 人以順眾理而應萬事者也陰陽天之 一則无變動故兼而兩之 **丟** 求 恕 **齊**

事邪是故其辭危危者使平易者使傾 由是生焉 賤上 而 文交錯之際或得時義而當或失時義而不當吉凶 危者使知有可平之理善補過則无咎若慢易而不 王氏曰殷之 與也其當殷之末世周之盛德邪當交王 不能故作易以明得失存亡之理危辭以 石第十章 下之等故日物物有九六雜 /服事殷心不忍殷之速亡欲匡正 末世紂无道而錯亂陰陽之紀交王 居刚柔之 一與紂之 位則成 圖存

其道甚大百物不廢懼以終始其要无咎此之謂易之 也 戒无非欲人戰兢惕厲免於咎而趨於平反覆一 當般之 微杜嘶懼於終而持盈守成則可要歸於无咎文王 物事也要歸也道甚大者天下之事无所不賅无 神而悔悟蓋文王之心亦北干之心也故曰盛德 之中千載之下心如見焉此則易之道也高氏曰 戒者使知必傾雖得位而亦凶冀殷之 末世忘己之憂而惟世之患是故其因事設 小常變莫能廢此道也總之能懼於始而防 //周易集義卷七下

情 及 也該天下之變於六十四象之中上推天之所 於物處若論本分求其无咎斯可已 大者撥亂反治以 寓於微辭以自靖不忍激成君臣之變德之盛故 无咎者善補過 此而自占則天命可回而周之至 原始要終只是敬懼无咎而 人事物情之變使知天下 也易中凡有喜有慶吉元吉多古 回天之理在焉而忠厚无巳 一而後歸於无咎殷之君 一德終矣 懼

則百出之 乾天下之至健也德行恆易以知險夫坤天下之 按天下之險阻皆生於私誠至而无私則易簡易簡 明則明者畢見易簡以 下之道蘇氏曰已險而能知險已阻而能知阻天下 **汞嘗有也是故處下以傾高則高者畢赴用晦以** ·曰簡易然後知險阻簡易理得然後 行恆簡以知)險阻皆先覺而灼知矣 心能研諸慮定天下之吉凶成天下之 周易集義卷七下 阻. (觀除阻則險阻无隱情矣) 以 貫 天

是故變化云為吉事有祥象事知器占事知 不可知凡人事之與吉逢者其先必有觧兆天人相 為吉失者為凶吉凶旣定則凡勉於事功者莫不宏 來畫人之云為皆陰陽必動之幾而或剛或柔之得 吉言之所以象事者於此而知器占事者於 之不息以成其功矣 **威志壹之動氣也聖人作易正以迪人於吉苡獨** 易簡者无 曰心之說也不忤於理慮之研也不昧於事則得者 不知也故以易之變化驗人之云爲而 故能說諸心知險阻故能研諸慮張 來

天地設位聖人成能人謀鬼謀百姓與能 斷吉凶聖人成之也方知以藏往人謀也圓神以知 來鬼謀也人盡其理鬼妙其變所以百姓苟以義問 陽高卑之實河圖分五十有五於五位天地所設也 **皆通周易之道所以合天而盡人也** 置其象名其卦繫以辭定大衍之數而制爲筮法以 **喜易之爲道此則原筮所自設而極資其妙也陰** 本於健順以 可與其能事无艱深詰曲之 **/謀而无鬼謀測數之** /周易集義卷七下 為德行知其本開知其化而險阻 難知也是故言 元求恕產

八卦以象告爻条以情言刚柔雜居而吉凶可見矣 相取而悔杏生情偽相感而利害生凡易之情近而 此 見乎 相得則凶或害之悔且吝 繫爻条之懈以盡言苟能觀其象而玩其辭因剛 患之故聖人之制作所以不可及也 承百姓與能而言聖人旣立八卦之象以盡意又 才之道不存焉惟易可以斷吉凶而又詔人以憂 推其情理得理則吉失理則凶不顯然可

則有迹矣吉凶則其成也故總名曰吉凶相威者情 相攻相取相威之三情而總屬於相近之一 項氏日愛惡相攻以下皆言吉凶以情遷之事而 比而含遠應由此遠近相取所以生悔各於繫辭桑 與不應近謂比與不比或取遠應而舍近比或取近 有失因乎情之正不正而吉凶異矣崔氏曰遠謂應 者爻之情也命辭之法必各象其爻之情故觀其辭 **六爻之情與解明之吉凶悔吝利害之||解分出於** 可以知其情利害者商略其事有利有不利也悔吝 氏日陰陽之變動皆乘 /周易集義卷七下 時之利而所利者有 主求恕蠢 一情此四

是則一近之中備此三條也凡爻有比爻有應爻有 生矣以偽相威而害生矣不以近相取而悔吝生矣 總以相近一 條矣但居之近者其吉凶尤多故聖人槪以近者明 之始交故以利害言之相取則有事矣故以悔吝言 爻言之反以三隅則遠而為應為主者亦必備此三 其居皆有遠近其行皆有情偽其情皆有愛惡也故 姑就浅深分之若錯而綜之則相攻相取相威之人 相攻則其事極矣故以吉凶言之愛惡遠近情傷 卦之主爻皆情之當相得者也今稱近者止據比 條明之近而不相得則以惡相攻而凶

也 事求之 叛者其解慙中心疑者其解枝吉人之 以自伸也情見乎辭類如此易因爻象之得失而體 告且為旁出之言以觀人之意吉人善而凝漏之 **張氏日此節即人之辭以情遷者驗易之辭以情遷** 多誣善之 **所以與能也聖人觀象繁辭之意大抵不外乎是奚** 王氏曰慙者欲言而若不能出諸口枝者不以正 如泅水者浮而不定失其守謂典守而失之屈于 愚按此皆險阻之情而聖人繫辭以 互卦之支離哉 /周易集義卷七下 、其解游失其守者其辭屈 一群寒躁人 告百姓之 王求恕

如思辭 敬皆 位 絫 知 如 情 而傳之 困接 上此 大有 其有 而 解扳 將 上叛 者 觪 〇愚按 故 可因 類 辭 惟健 以其解寫矣 意 乃 闕 類未離此 當之擬枝 是 而 順易簡之德不逆 屈者 九未者 不出 吉凶於下 知 如夬 以 之 之如 睽 情 相 矣 類族 著於解 Z 九 見之愚 如 所以 天 之 觀 游 前 九按之 類 知 者 知 億 多者 頮 如震 險 而 胶 同挺 阻 阻查 人未 之當 陰 可掩 如 而 覺 无妄 盡 隅占 情 因 得 九如

實作易德易義 事易簡成知例 也之之位於在 /周易集義卷七下 德平備讀 敗地阻者 知見蓋之 阻聖天善 作人尊通 易作地爾 而易卑〇 使之章來 百原言氏 姓此聖日 **奥章人此** 能言以章 見聖易反 聖人簡覆

周易集義卷七下					

所 耳条 而 自著 氏傳 非原 乾 後 養卷八 世 有伏 異於 並 說 也 伏 義文王 發 羲之 建 排 伏 專言 明文 則 卦 伏 次 羲 發先 序 繋 周 业 方位不 公余文 溧陽强: 不同之 興劉 理 明吉 藏四 |承幹校 汝 故辭 律 而凶 說 别 做 得 乃文 文 佳 傳 傳 失 統 由義此之 Ż 之故

1者聖人之作易也幽贊於神明而生著參天兩地而 序以申其固有之理終不可謂伏羲之别有序位先 有卦而无辭故其統宗不著文王旣爲之辭又爲之 天之易也 天兩地觀變於陰陽則亦乾坤統全易之旨但伏義 所以贊神出命故謂幽贊神明即所謂佑神也孔氏 項氏曰生蓍謂創立用蓍之法神不能言以蓍言之 古之奇耦亦以参兩言之以兩是耦數之始三)初放也不以一目奇者張氏云以三中含雨

故 畫 相 任 中 淪 淪 之 **応尺と熨以三地之數以二卦畫之奇陽耦陰旣明で是數以為象參兩云者聖人參之兩之也天地渾沖虛是其象也倚任也天地之理氣不可以象象所合而有所不至則缺其一而爲二奇畫中實耦** 氏日六合之全體皆天也所謂大園也故以數以一包兩之義明天有包地之德陽有包陰之 之 則 而二十四陽十二其三陰十二其二 而揲蓍 之法用九用六四其 圅 一地有形有氣在天之 包地之德陽有包 74

觀變於陰陽而立卦發揮於剛柔而生爻和順於道德 老陽倚二以數三二 推之則九六七八之數生焉倚三以數三三而九為 道 理於義窮埋盡性以至於 陽一二兩三而八為少陰是以乾坤之策无不合陽倚一以數三二而六為老陰一三兩二而七為 吉凶惟所用之盈虚有當有否故數可倚之以見 法行之數可任而象可立道因以 則三與兩實數之根也 恩按所謂倚數者本指畫卦之奇耦而言由是 命 一著蓋人事之

與 旣 極 理義非二也程 丽 道德非二也子思 理於義從 處故云盡 合 卦 而 斯立焉 處 用 易 集 義 卷 合而 一命則性之所自· 物 極 子謂在物 物 順 分窮理 卦旣立 皆 於 意性者 有 謂天命之謂 道德 理 盡性以至於命從分而一矣爻斯生焉和順於道 須一 為理處物為義是也性命 歌製 理之 來處故曰 原 性率性之謂道 推 理 窮性 至 何氏 則是理之 則 理於 逢其

順之健 生爻極其變動而發揮而不相悖害道本渾 則 則 合德之鵜 而 以至於幽此所謂神· 爲 爲 有宜爻各有當以別得失以推吉 剛柔 顯此所謂顯道也窮理盡性以至 陰 陽之道 析條 順 交相濟而和矣及其因動起事因事成 (理以盡) 理和 在 人之 下之 順 義无不 於 理盡 道 僅 德行也王氏日 德 則為仁義之德 人物之 各順其則也 而理於義 凶 於 自幽而 以 故推其 製立 命自 則 淪 地之 因時 卦 顯 因 而 而

三才而兩之故易六晝不 三才而兩之故易六晝不 三才而兩之故易六晝不 易六位而成章 易六位而成章 蓋 體 天地 ▼四特因分三才而各立主名耳故其也呼吸者陰陽之氣也與形氣不相離者。 也 氣言 此 柔 八村子陰 分陽 选用 八成能之利用可 八成能之利用可 一种立人之道日 一种, 測 之理是<u>以立天</u>工體大用可見矣 用题用之乎 公德言其實一而[日仁 離者 與 而已 剛 義 性

也 以柔 相應以 各成其理而 也天无一 陽以位言 而八卦成而其命之降性之發各因乎動 並 居陰或柔 屬 例 Ž 起 並屬之地者自其或翕或關以 天者自其命之或温或肅 或 氣地无一 用則道有殊施心有殊感陰陽柔剛 刚更 迭 丰 不紊故必重三 用柔剛以 初 相為用故曰迭分之 形人无二性合以成 五 一為陽位一 爻言或以 一為六道乃備焉分 四 高陰位於 /育以載 幾而 體故 殺 陰

/地定位· 之 居上 此 也 互 言八卦之象 生故· **宣我薄人之** 薄也 清 高而地氣 山澤 剛 相 文王 因互 而 **周易集義卷** 相 通 爻此 利 相錯 射 並 六 行焉 氣 成 於 施陰居 者 建 雷 位專 ヹ 薄雷者陽之 乾 以成 用 澤體地之 風之說 各 典 相 旨卦 章 薄 以 下 也定 統全易也 所 柔 水 下而天 濁 卦 動 丽 火 位 風 丽 者 利 相 者 陰之 天尊 通氣者山 於受六子 氣 射 行焉 地卑 動 准 息 薄 象

往者 辯然古者聖人畫卦三畫以象三 巳生之卦左旋為順推未生之卦右旋為逆其說 首章意相發明皆設卦觀象自然之理邵子以此)說也則 氏日敷往者順造化人事之迹有常而可驗順 而 天 知矣此申上 1第三章 順知 八卦方位旣用加一倍以成六十四卦叉謂 兩之故易六畫而成卦傳有明文未嘗如邵 邵說非聖人之意明矣 來者逆是故易逆數也 文 觀變於陰陽 而立卦之意與上 |才因而重

律 而 觀 謂之 象之 逆 也占者 劉氏曰天地閒 前 通)因其象下 繁之爻 雖然若 所設 後 知 也 用也占其未 焉未然者 聖 者未然之 而 〈象乎! 著為 不本於 神 理也聖人 變以占之 是 左以天下之言性也b 以人事已成之迹亦生 约 然者 占 知來 來來則 所期者未至之事 也 知 巳 因其理而 動 藏 然者為往 體也 畫 則 故 窮

所以逆 物之情者也不謂之 也 按 知坤元亨利 周因 雖 陰 於殷 推將 百 順乎如筮得乾而知乾元亨利貞筮得坤陽而立卦發揮於剛柔而生爻者也不謂 世可知也知來者逆也故曰易逆數 非 禮所損益可知也數往者順也其或 來也孔子日殷 所謂數往者順也書之德圓 牝馬之貞之類此皆通神 一當以此二 | 知來者逆乎夫其順數已往 ||說為長蓋卦之德方 因於夏禮所損益可 明之德 丽 神 也 繼 知

說之乾以 **其義淺矣** 乙也或謂畫卦由下而上故謂之逆數雖亦可通然 章令仍分為一 [序尊卑也此以乾坤居後總成功也上以體言此 前說乾坤以至六子此說六子而歸於乾坤 **卜筮爲用占事知來故曰逆** 君之 不見首尾易之道也金氏日前以乾坤居 一坤以藏之 二别 本節先馬 雨以潤之日以暄之艮以止之兌 **邵子** 本 別 ち 一說始與上合爲一 數專指變

耳之 則物解此言生物之功也中交而爲坎離坎離相 兌艮兒相錯止則物成說則物遂此言成物之功也 若乾則為造物之主而於物无所不統坤則為養 出乎熐齊乎巽相見乎雕致役乎坤說言乎兌戰乎 府而於物无所不各六子不過各分一 則物滋暄則物舒此言長物之功也終交而爲艮 乾坤乾坤始交而為震巽震巽相錯動則物萌散 右第五章 氏日此言八卦對待生 一物之功故終之

乾勞乎坎成言乎艮 日出乎意 物出乎震震東方也齊乎巽巽東南也齊也香言萬 乾居西北至此 陽復生矣至坎 說者當暑退而物成之時萬物之所說也戰乎乾 艮則陽已生矣所以旣成其終又成其始復生矣至坎則値慰勞休息之期陽生於子故! /周易集義卷八 致者委也坤順承天故爲陽所委役兒 也者明也萬物皆相見南方之卦也聖 一宰震為東方生氣所自出 下嚮明而治蓋取諸此 而陰氣剝陽故陰陽戰也戰而勝

也坎者水也正北方之卦也勞卦也萬物之所歸也 萬物皆致養焉故曰致役乎坤兌正秋 故曰成言乎艮 [勞乎坎艮東北之卦也萬物之所成終而所成始 始之者也萬物无體以帝之用為體帝无用以萬 前言帝後言萬物者帝為萬物之君主運萬物而終 前舉其目而後釋之或古有此言而夫日 體 1說言乎兌戰乎乾乾西非之卦也言陰陽相轉 11 This 11 1 仁物其藏用所謂體物而不 也萬物之所

陰 成 則 而 致 故 盛 種 役以終 芝 畢 西 則戰 故 事 之 嵗 陰 而 事 直 也 植 陰 不 居功其之 自異 終 生 陽 則 之 而不能 以 令 終也 成 也 終為 而 發 此 始者 坤始 始 散止 兩 而 而 卦 則 居 為 莫得其端 始也 雖: 西南長養 列方位 則 肵 兌 西 能 閒 陰

物也 神也者妙萬物而為言者也動萬物者莫疾乎雷撓萬 者莫疾乎風燥萬物者莫熯乎火說萬物者莫說乎 火相逮雷風不相悖山澤通氣然後能變化旣成萬 潤萬物者莫潤平水終萬物始萬物者莫盛乎艮故 章相錯之理則承第三 化育之功故位序則承上章而六子之用則承第 生不已其首尾端倪眞不可得而窺矣 此 右第六章 一章總結上文言八卦交錯變化順逆迴環而成 一章神者陰陽不測之謂即

舒 物有迹 也 坤 ·風以撓之" 即 非乾坤之 外 爲 萬物之中 可見 潤其 始此六子之 舒 神使 m /義殊且 而尚柔 前 内旣說且潤矣於是艮以止之 畢成萬物 然乎物之 妙 乾 在 各一其用以成萬物之 (中无迹) 火以燥之及其長也澤以說 可測者神也六子之功用 則又在 見乾坤之 配 方萌雷以動之萌而未 可見然神 J 台同 相 爲 化也 則

之化用之行也帝出乎震 綜以見兩化之合 物 陽對待各得其耦所謂 ル地之 及時 始 定 節陰陽相錯剛柔調劑所謂兩者之化 按 功用惟 而並育化功之成也此節合而贊之參互 陰 體 為伏羲先 必有此用同條共貫者也邵 同條共貫之學可以 故 本 乃所謂不測之神也此其 兩 雨 化之謂神 天方位帝出 兩也兩者體之立也雷以 對 待也合 節陰陽運行以成歲 地定 巾 位 也 化 相 節 兩

乾健也坤順也震動也異人也坎陌也離麗也艮止也 兄說也 要之 也 此言八卦之 說卦之 意學者 一 為動場聚 至順陰聚於外陽鬱而不得出則奮動而爲雷故隱 第七章 一邵子之 藉場剛之力以 /周易集義卷八 於外阻於陰而 性情功用也乾純陽故至健坤純陰故 不必因此拘牽轉失周易之 疾行 别 内本陰柔之 為數學之 入則周旋不舍而為 端而非孔 用而善人故

為馬坤為牛震為龍異為雞坎為 善動者等 火外明陽麗於陰也故為麗艮一陽為主於巽為入坎為水水內明陽陷於陰也故爲陷 物故爲說 右第八章 而其勢止故爲止兌一陰出於兩陽之外以說 子曰遠取諸物如此項氏曰健者 為龍善伏者為雞質躁而外汙者為豕質 爲雉善剛而止物者爲狗內狠而外於 THE PRESENT OF **豕離** 為馬順者為 陷離為火 兩陰 野

乾 爲 爲首 而 足 朱 子曰近 履 口 之取石 乎 以象 第 外 爲 廣之 九 取諸身 虛 動手 目内 虚 持 如 徵於互四 巽 應物有章 各 此 於 要理问告 設然 股 亦亦異古 對 也股 因 可故非者 此 氏 歧 也子王占 而 而推 見 為目艮 存周之 公說 肵 所與 取 身象竅 以象

故謂之少男兒三 天也故 萬物資始於天猶子之 謂之中男離再索而得女故謂之中女艮三索而得之長男巽一索而得女故謂之長女坎再索而得男 長男巽 形生於母也索求而取之也 是 稱乎父坤地也 《躬自省 章 之次序言項氏日乾坤六子初為 雷風氣也山澤形也水火精 |索||而得女故謂之少女 非但迹象之粗也 氣始於父也資生 放稱乎毋震 一於地 也 猶

馬 固 理也 而結 而結是實非舊木也此木之神不貳亦盛陽之色也 良馬健原程行老馬耐勞大之體也金玉質性堅剛也寒冰西為老馬為瘠馬為縣馬為木果酸為 爲 **圓為君為父為玉** 易集義 也 卷 八為 為金 冰 能苟 爲九 也 也言為為

竹為萑葦 篤 於稼也為 雷馬龍 故坤眾 柄萬 其於 反生其究為健為蕃鮮荷 育 為玄黃為男為大途為長子為 坤泉吝 馬也為善鳴為馵足 物依之以 順也大與能載 也剪布也 躁動也蒼筤竹萑 為本也黑 物也乾質故坤文 極陰之色 動之 快躁 的 也 也

利市三倍其究 為木 爲 直上 健蕃鮮謂草木 不果為臭其 種中萌芽乃自 壯 爲風為長女為繩直 二陽共正 生意賞 馬額白 為躁卦 口舉究言 學究言其成功也健謂陽方長一從種子中出而下著地以為根質 爲 自此蕃茂而鮮明也 会如從繩以取直,一種直其齊白其沒 也為 爲 寡 **愛為廣** 工為白 風行无常故進退 **月賴為多白眼為 日為長為高為進** 取繩

為下 為心病為耳痛為血卦為赤其於馬也為美育為 為水爲溝瀆為隱伏 卦 陰外鬱而化躁 が於 故多白眼近利陰主利故三倍其息也其究為 水所 赐 為薄蹄的 重陽之下 心為堅多心為此為斯爾斯為東其於 獨上 盛 次也陽匿陰 也眼白 也 為臭 爲 矯 叢九於 棘家 舆 為 輮為 陽黑爲陰 中故 屬血陰 也 爲有 狐為 弓輪其於人也 多眚 爲宮 為隱伏矯 蒺寫 巽 **教律為** 爲爲通 卦陽

皆矯輮所" 故 險難之象血卦人之有血 而進能曲達也月水之精也剛强伏匿於陰險之 而曳也多肯者陰柔在下不能任重 柔故首垂而不昂下柔故蹄薄而不厚叉足行无 也)剛在中故為馬之美脊剛在內而躁故為亟心 為盜 牛家 有 卦為鼈 中實故堅多心 日為電為中女為甲胄為戈 周易集義卷入 為蟹為贏為蚌為龜其於木 憂心病 如地之有中 一也通水之 兵其於人也 也赤陽之 場昭 色

為鼠為黔喙之 虚 爲 誾 故為 腹 路 爲 山為徑路為小石為門 小故 外堅 火燥故稱乾 木旣空中又 為)門禁止 種之 畫 外 剛在坤土 **〈稟炎上** 1果草實! 剛 兵 為生之 柔故 也為堅多節 闕為果族 應出 之 性 上 銳 之 為 人者 诙 丞 為 能 /枯槁 小石 荀 科 爲九 物 也 虎家 也 陰 蓮 故 旣 爲

為澤為 剛鹵爲妾為羊帶為輔 盪 秋萬物條 為妾內狠 也鹵西方鹹地兌金剛而在西故爲鹵少女爲娣 乃豬水之地物之潤 刚 外也以言說乎神者為巫以言說乎人 前 剛也 少女 良陽 枯實 外說 為 巫 (落故爲毀折而實之附 爲 色鳥獸之 |故爲堅多節 口舌 羊 類有 而見於外者亦為澤兌之 爲 也 然之 毁折爲附決其於地 **啄多黑日屬者非** 象 於核者 者 為 明 陰 新此以 也

蒙蒙者蒙也物之稺也物稺不可不養也故受之以需 起效受之以師師者眾也眾必有所比故受之以比比 有天地然後萬物生焉盈天地之閒者唯萬物故受之 需者飲食之道也飲食必有訟故受之以訟訟必有眾 屯屯者盈也屯者物之始生也物生必蒙故受之以 韓氏曰序卦之所明非易之藴也蓋因卦之次託象 (明義王氏日此二篇必非聖人之書即以文義求 亦多牽强失理讀者自當辨之 象而孔 子因而

也有事而後可大故受之以臨臨者大也物大然後可 **故受之以謙有大而能謙必豫故受之以豫豫必有隨** 與人同者物必歸焉故受之以大有有大者不可以 以終通故受之以否物不可以終否故受之以同 物不可以苟合而已故受之以責責者飾也致 比必有所畜故受之以小畜) 以觀 而泰然後安苡受之以泰泰者通也物不 **周易集義卷八** 可觀而後有所合故受之以噬嗑嗑者 利剝者剝也物不可以終盡 物畜然後有禮 故

有天地然後有萬物有萬物然後有男女有男女然 有无妄然後可畜故受之以大畜物畜然後可養故受 可以不久 也故受之以恆恆者人也物不可以久居: 以頤頤者養也不養則不可動故受之以大過物 右上篇 於過故受之以坎坎者陷也陷必有所麗故受 離者麗也 婦有夫婦然後有父子有父子然後有君臣有君 一反下故受之以復復則不妄矣故受之以无妄 有上下然後禮義有所婚夫婦之道

有裁也緩必有所失故受之以損損而不已必益故受 以益益而不已必決故受之以夬夬者決也決必 家人 遇故受之以姤姤者遇也物相瑪而後聚故受之 物不可以終壯故受之以晉 八家道窮必乖故受之以睽睽者乖也乖必有難 以明夷夷者傷也傷於外者必反其家故受 聚也聚而上者謂之升 /周易集義卷八 /困困乎上 逐 者退也物不可以終遯故受之以 **一晉者進也進必有所傷** 人求恕

漸漸者進也進必有所歸故受之以歸妹得其所歸者 旅旅而无所容故受之以與異者人也人而後說之故 必大故受之以豐豐者大也窮大者必失其居故受之 受之以旣濟物不可窮也故受之以未濟終爲 **器者莫若長子故受之以震震者動也物不可以終動** 止之故受之以艮艮者止也物不可以終止故受之以 有其信者必行之故受之以小過有過物者必濟故 之以兌兌者說也說而後散之故受之以渙喚者離 物不可以終離故受之以節節而信之故受之以中 可不革故受之以革革物者莫若鼎故受之以鼎主

卦傳 經始咸恆而終既濟未濟自有深意此外惟取兩 **戰國時經師所作必非聖人之書也** 土氏曰雜者相閒之謂也 一見而逍義之門啟焉故自伏羲始晝而即以相雜 意置而不講獨取卦名牽合附會而爲之辭或是 **比以見錯綜變化之端至兩兩承接之** 排布置說詳雜 /周易集義卷八 愿按周易之序上 體文王因之 卦傳後此二篇於兩兩相比 一而以錯綜相比爲其序屯 彼 一經始乾坤而終坎 此 往 開似未必 无求恕 復陰陽

坤坎 粽同軌周易以粽爲主不可粽而後從錯蓋以 並 全象事有全理而人之用之者但得其半天道備 則已足備一 一吞麥覽鹽漸歸妹旣濟未濟四象而成八 用精是以六爻之中陰陽多寡即就此而往復稱 (語默各因乎反復循環之理數而无不可體) 離大過頤小過中学綜而不失其故則以錯 下四十八性! 德矣雜卦者言其道同而易地則憂樂安危 知其異乃可以統其同用其半即可以 剛一柔之用著一進 十四象往復順逆之所成也 一退之幾成一 八

乾 **隔觀之義或與或求 圠樂師憂** | 削坤柔 王氏日三 傳為言其性情功效之別焉 其全故略於錯而專於綜錯者幽明之迭用綜皆 **其明者也周易六十四卦為三十二對偶之旨也而** 朱子曰以我師物曰與物來觀我 氏日有親則樂動眾則憂 以成章 /周易集莪卷八 卦並建剛柔備矣分之則純以成德合之 日求郭氏日降與

損益盛衰之始也 屯見而不失其居豢雜而蓍 **原起也艮止也** 實過也 蒙九||亦雑於||陰之閒然爲發蒙之主故雜而著 屯九五雜於二陰之閒然居尊位故見而不失其居 有求无與肯非臨觀之道 王氏曰起以震陰之滯止以遏陰之進震有功而艮 所**聯觀與所觀**一卦皆有與求之**義或有與**无求或 俞氏曰損益蓋未至於盛衰而盛衰自此始也幾氏

畜時也无妄災也 至於盛衰而盛衰之機自此始也 恆至損益十二 轉為否矣益自否來益下不已 自咸恆至否泰十卦 常反復之 於他卦分舉而損益否泰則合舉之以 否泰為盛衰反復之介易所最 十二卦此除乾坤外自比師至損益一甚速也周易自乾坤至否泰十二卦 《畜故謂之時耳无妄若六三或聲 九天獨之亨可謂得時矣然无 愚拨 損由泰變損下 則否 轉為泰矣雖未 計自

兌見而巽伏也 墜 嗑食也黄无色也 苹聚而升不來也謙輕而豫怠也 之災耳 萃有聚而佝往之義升有往而不反之義謙者視已 兒陰外見巽陰內伏見者 **噬嗑非悅旨甘得食足以養身而已實飾非求華美 无色足以受采而已** 輕若无尊重之度豫者雖奮起不免滿盈而怠矣 乙牛可謂逢災矣然有妄而災不謂災也无妄故謂

詩傷也離日在上故畫也明入地中故傷也晉晝也明夷誅也 剝爛也復反也 隨无故也蠱 徐氏日 隨勝在下而隨乎陰无以人從欲之 也 墜於下則可種 「剣爛則陽窮於上 則亟於救弊而飭也 則飭也 而生矣 | 復反則陽生於下猶 事盤陰在下而 主求恕蘆

咸速 則恆下項 君 離也節 風 域非訓迹也天下之事无速於風通者故 題也恒久也 則未曹雜也 質氏日自乾坤至此三十卦正與上經之 實氏日自乾坤至此三十卦正與上經之 實所不窮通也剛遇其揜困也通即不困 不 散水故渙換則離而不止釋防水故節節則止 離 是難也 止也 久 以上 類經 名之 因 不 名之 故曰咸速也 而數 团 乾相 卽 坤當不 咸而 通 而

段外也家人內也 否泰反其類也 (批則 塞懸殊矣 進 何 睽疏而外也家人親而內也 往小來小往大來其剛柔之 動乎險外故 也同 止遯 日壯不可用宜止不宜躁遯與時行應退不應 難進退者易退君子之道也 則退也 人親 周易集義卷八 也 蹇止乎險中故為難 類適相反而道之通 **玉求恕**齊

火炎上水潤下	離上而坎下也	物盛則多故旅寓則少親	豐多故親寡族也	陰盛之過乃眞過也虛中以信信之至也	小過過也中学信也	水火相息變其故也以木巽火取其新也	革去故也鼎取新也	下亦應之故有親	大有梁居尊而上下應之故得眾同人柔得中而上	
--------	--------	------------	---------	------------------	----------	------------------	----------	---------	----------------------	--

需不進也訟 朱子曰自大過以下卦不反對或疑其錯簡令決柔也君子道長小人道愛也大濟男之窮也夫決也既濟定也歸妹女之終也未濟男之窮也夬決大過願也姤遇也柔遇剛也漸攻歸待男行也頤 畜陰 而 之安分待時故不進訟者越理求勝故》 心訟不親也 心訟不親也 雖履 常位但寡 卷 而不能勝眾陽履柔不 氏当或 過 **水粉** 水粉 決也剛 親

氏 解家人 象雖 機之變動於以肖易之變動 相若焉又曰以歸妹未濟觀之則六 大過之家本末皆弱而在雜卦之終聖人作 下以无 不偶 相對待以備同異之理 過以下特背以 **〈蹇損益咸恆之互相** 始 終窮之理教人以 姤而極勢之 无心於 男女為言至夬而明言之 而乾有終而復始之 文 一撥亂 **深居** 為理亦可類推矣項 而其中互 而文 窮 反正 自 於夬以示微 而 一之法是 一相参伍 四卦三 可為典 義也

肵 民 情偽繋辭 則錯之於 能盡也故 適 同 者自有時中之 患之心 通 也 至 錯 則聖人· 焉也 **赴**皆 綜 集 也 盡 惟 往 孔子雜 卷 外 |其言然卦之 取 道 取 愚 其序卦本 按 非 兩 可執 聖 兩 卦終 无他 相此 人立象以盡意設 彼 可識 以 變動不居者 於夬望之也 而言善 此之閒以 无 棕為主不可綜 陳 心 氏 見唯 卦 斑

周易集義卷入		斯所謂變而通之以盡利鼓之舞之以盡神者歟示讀易者當由錯綜之道引伸觸長以極深而研幾
		香研幾